





二百之四

史20-5



水
經
注

五



水經注卷十二

聖水

聖水出上谷



故燕地


書地道志

名朝嗣也

大防嶺之

入穴轉更





水經注卷十二

後魏酈道元撰

聖水 巨馬水

聖水出上谷

故燕地

案近刻
訛作也

秦始皇二十三年置上谷郡王隱晉

書地道志曰郡在谷之頭故因以上谷名焉王莽更

名朔調也

案更近
刻作改

水出郡之西南聖水谷東南流逕

大防嶺之東首山下有石穴東北洞開高廣四五丈

入穴轉更崇深穴中有水者舊傳言昔有沙門釋惠

彌者好精物隱嘗篝火尋之傍水入穴三里有餘穴
分爲二一穴殊小西北出不知趣詣一穴西南出入

穴經五六日方還案穴近刻
說作水又不測窮深其水夏冷

冬温春秋有白魚出穴數日而返人有採捕食者美

珍常味蓋亦丙穴嘉魚之類也案類上近
刻術流字是水東北

流入聖水聖水又東逕玉石山謂之玉石口山多珉

玉燕石故以玉石名之其水伏流里餘潛源東出又

東頽波瀉澗一丈有餘屈而南流也案近刻
脫南字

東過良鄉縣南

聖水南流歷縣西轉又南逕良鄉縣故城西王莽之

廣陽也有防水注之水出縣西北大防山南而東南

流逕羊頭阜下俗謂之羊頭溪案講近
刻作爲其水又東南

流至縣東入聖水聖水又南與樂水合水出縣西北

大防山南案山南近刻
說作南山東南流歷縣西而東南流注

聖水聖水又東逕其縣故城南又東逕聖聚南案聖
聚近

刻說作
聚聖蓋藉水而懷稱也又東與俠河合水出良鄉

縣西甘泉原東谷東逕西鄉縣故城北王莽之移風
也世謂之都鄉城按地理志涿郡有西鄉縣而無都

鄉城蓋世傳之非也又東逕良鄉城南又東北注聖水世謂之俠活河又名之曰非理之溝也

又東過陽鄉縣北案陽近刻作長蓋後人所改

聖水自涿縣東與桃水合水首受涑水于徐城東南

良鄉西分垣水案垣近刻訛作垣世謂之南沙溝案沙近刻訛作涉

卽桃水也案桃原本及近刻並訛作桃考漢志涿縣下云桃水首受涑水分卽此今改正東

逕迺縣北又東逕涿縣故城下與涑水合世以爲涑

水案爲近刻訛作謂又亦謂之桃水出涿縣故城西南奇溝

東八里大坎下數泉同發東逕桃仁墟北或曰因水

以名墟則是桃水也或曰終仁之故居非桃仁也案仁

近刻訛作水余按地理志桃水上承涑水此水所發不與

志同謂終爲是又東北與樂堆泉合水出堆東東南

流注于涑水涑水又東北逕涿縣故城西注于桃應

劭曰涿郡故燕漢高帝六年置其南有涑水郡蓋氏

焉案近刻脫郡字闕駟亦言是矣今于涑城南無水以應之

所有惟西南有水矣應劭又云涑水出上谷涑鹿

縣余按涑水自涑鹿東注灑水案灑近刻訛作灑下同灑水東

南逕廣陽郡與涑郡分水漢高祖六年分燕置涑郡

涿之爲名當受涿水通稱矣故郡縣氏之但物理潛通所在分發故在匈奴爲涿耶水

案匈奴近刻訛作山谷

山川

阻闕並無沿注之理所在受名者皆是經隱顯相關遙情受用以此推之事或近矣而非所安也桃水又

東逕涿縣故城北王莽更名垣翰晉大始元年改曰

范陽郡今郡理涿縣故城城內東北角有晉康王碑

城東有范陽王司馬號廟碑

案司馬近刻訛作司寇

桃水又東

北與垣水會水上承涑水于良鄉縣分桃水

案承近刻訛作

分訛世謂之北沙溝

案沙近刻訛作涉

故應劭曰垣水出

良鄉東逕垣縣故城北史記音義曰河間有武垣縣

涿有垣縣漢景帝中三年封匈奴降王賜爲侯國王

莽之垣翰亭矣世謂之頃城非也又東逕頃亦地名

也故有頃上言世名之頃前河又東洛水注之水上

承鳴澤渚渚方十五里漢武帝元封四年行幸鳴澤

者也服虔曰澤名在涇縣北界卽此澤矣西則獨樹

水注之水出涇縣北山東入渚北有甘泉水注之水

出良鄉西山東南逕西鄉城西而南注鳴澤渚

案近刻脫

鳴渚水東出爲洛水

案近刻脫渚水東出爲洛六字

又東逕西鄉城

南又東逕垣縣而南人垣水垣水又東逕涿縣北東流注于桃故應劭曰垣水東入桃闕駟曰至陽鄉注之今按經脈而不能居也桃水東逕陽鄉案逕近刻訛作入

東注聖水聖水又東廣陽水注之水出小廣陽西山

東逕廣陽縣故城北又東福祿水注焉水出西山東

南逕廣陽縣故城南東入廣陽水亂流東南至陽鄉

縣右注聖水聖水又東南逕陽鄉城西不逕其北矣

縣故涿之陽亭也地理風俗記曰涿縣東五十里有

陽鄉亭後分爲縣王莽時更名章武卽長鄉縣也按

太康地記涿有長鄉而無陽鄉矣聖水又東逕長興

城南又東逕方城縣故城北案近刻脫北字李牧伐燕取方

城是也魏封劉放爲侯國聖水又東左會白祀溝溝

水出廣陽縣之婁城東南流左合婁城水水出平

地導源東南流案源近刻訛作泉右注白祀水亂流東南逕

常道城西故鄉亭也西去長鄉城四十里魏少帝璜

甘露三年所封也又東南入聖水聖水又東南逕韓

城東詩韓奕章曰溥彼韓城燕師所完王錫韓侯其

追其緇奄受北國鄭玄曰周封韓侯居韓城爲侯伯

言為檢夷所逼稍稍東遷也王肅曰今涿郡方城縣

有韓侯城世謂之寒號城案近刻脫之字城字非也聖水又東

南流右會清淀水水發西淀東流注聖水謂之劉公

口也

又東過安次縣南東入于海

聖水又東逕勃海安次縣故城南漢靈帝案近刻訛作桓帝

中平三年案近刻訛作二年封荊州刺史王敏為侯國又東

南流注于巨馬河而不達于海也

巨馬河出代郡廣昌縣涑山

卽涑水也有二源俱發涑山東逕廣昌縣故城南王

莽之廣屏矣案矣字近刻訛在下句國字下魏封樂進為侯國涑水

又東北逕西射魚城東南而東北流又逕東射魚城

南又屈逕其城東竹書紀年曰荀瑤伐中山取窮魚

之丘窮射字相類疑卽此城也所未詳矣涑水又逕

三女亭西又逕樓亭北左屬白澗溪水有二源合注

一川川石皓然望同積雪故以物色受名其水又東

北流謂之石槽水伏流地下溢則通津委注案溢近刻訛作

謂之白澗口涑水又東北桑谷水注之水南發桑

溪案近刻脫桑字北注涑水涑水又北逕小巽東又東逕大

巽南蓋霍原隱居教授處也案近刻脫居字徐廣云原隱居

廣陽山教授數千人為王浚所害案近刻脫作召雖千古世

懸猶表二巽之稱既無碑頌竟不知定誰居也涑水

又東北歷紫石溪口與紫水合水北出聖人城北大

亘下東南流左會磊柯溪水案磊近刻脫作巒蓋山崩委澗

積石淪隍故溪澗受其名矣水出東北西南流注紫

石溪水紫石溪水又逕聖人城東又東南右會檐車

水水出檐車硯案車近刻脫作石東南流逕聖人城南案近刻作

城東南南流注紫石水又南注于涑水涑水又東南逕

榆城南又屈逕其城東謂之榆城河涑水又南逕藏

刀山下層巖壁立直上千霄遠望崖側有若積刀鏤

鏤相比咸悉西首涑水東逕徐城北故瀆出焉案近刻脫

故瀆二字世謂之沙溝水又東督亢溝出焉一水東南流

即督亢溝也一水西南出即涑水之故瀆矣案近刻脫水字

水盛則長津宏注水耗則通波潛伏重源顯于迺縣

則舊川矣案近刻脫作舊則川矣

東過迺縣北

水經注

卷三

二

涑水上承故瀆于縣北垂重源再發結為長潭潭廣

百許步長數百步左右翼帶涓流控引衆水案近刻脫衆字

自成淵渚長川漫下十許里案近刻訛作十一許步東南流逕

迺縣故城東案近刻脫迺字漢景帝中三年以封匈奴降王

隆疆為侯國王莽更名迺屏也謂之巨馬河亦曰渠

水也又東南流袁本初遣別將崔巨業攻固安不下

退還公孫瓚追擊之于巨馬水死者六七千人即此

水也又東南逕范陽縣故城北易水注之

又東南過容城縣北

巨馬水又東酈亭溝水注之水上承督亢溝水于迺

縣東東南流歷紫淵東余六世祖樂浪府君自涿之

先賢鄉爰宅其陰西帶巨川東翼茲水枝流津通纏

絡墟圃匪直田漁之贍可懷信為遊神之勝處也其

水東南流又名之為酈亭溝其水又西南轉歷大利

亭南入巨馬水又東逕容城縣故城北又東督亢溝

水注之水上承涑水于涑谷引之則長津委注過之

則微川輟流水德舍和變通在我東南流逕迺縣北

又東逕涿縣酈亭樓桑里南即劉備之舊里也又東

逕督亢澤澤苞方城縣故屬廣陽後隸于涿郡國志曰縣有督亢亭孫暢之述畫有督亢地圖言燕太子丹使荆軻齎入秦秦王殺軻圖亦絕滅地理書上古聖賢冢地記曰督亢地在涿郡今故安縣南有督亢陌幽州南界也風俗通曰沆漭也言乎淫淫漭漭無崖際也沆澤之無水斥鹵之謂也其水自澤枝分東逕涿縣故城南又東逕漢侍中盧植墓南又東散為澤渚督亢澤也北屈注于桃水督亢水又南謂之白溝水南逕廣陽亭西而南合枝溝

案南合近刻訛作合南溝

水西受巨馬河東出為枝溝又東注白溝白溝又南入于巨馬河巨馬河又東南逕益昌縣護淀水右注之水上承護陂于臨鄉縣故城西東南逕臨鄉城南

案近刻脫字漢封廣陽頃王子雲為侯國

案近刻脫頃字雲訛作須地

理風俗記曰

案近刻脫風俗二字

方城南十里有臨鄉城故縣

也

案此下近刻有城南十里四字係衍文

淀水又東南逕益昌縣故城

西南入巨馬水巨馬水東逕益昌縣故城南漢封廣

陽頃王子嬰為侯國王莽之有秩也地理風俗記曰

方城縣東八十里有益昌城故縣也又東八丈溝水

注之水出安次縣東北平地案此下近刻衍泉字東南逕安次

城東東南逕泉州縣故城西案泉近刻訛作東又南右合滹

沱河枯溝溝自安次西北東逕常道城東安次縣故

城西晉司空劉琨所守以拒石勒也又東南至泉州

縣西南東入八丈溝又南入巨馬河案此二十字原本截上十六字


訛作經下四字仍屬注文近刻竝為注亂流東注也

又東過勃海東平舒縣北東入于海


地理志曰涑水東南至容城入于河案近刻河即濡訛作海

水也案此謂南濡蓋互以明會矣巨馬水于平舒城北案近

刻脫城字南入于滹沱而同歸于海也



水經注卷十二



水經注卷十三

後魏 酈道元 撰

灑水

灑水出鴈門陰館縣

案灑原本及近刻並訛作濕說文灑水出鴈門陰館累頭山東入海

力追切魏書作灑已訛舛若濕則不得讀力追切今從說文為正

東北過代郡桑乾縣

南

灑水出于累頭山一曰治水泉發于山側沿波歷澗

東北流出山逕陰館縣故城西縣故樓煩鄉也漢景

帝後三年置王莽更名富城矣

案今本漢書作富代魏皇興三

年案皇興近刻
訛作天安齊平徙其民于縣立平齊郡灤水又

東北流左會桑乾水縣西北上平案原本作上
下從近刻洪源

七輪謂之桑乾泉即溱洧水者也耆老云其水潛通

案近刻
脫通字承太原汾陽縣北燕京山之大池池在山原

之上世謂之天地方里餘案此下近刻
有其水二字澄淨鏡淨潭

而不流案近刻
脫潭字若安定朝那之湫淵也清水流潭皎

焉冲照池中嘗無斥草及其風籜案斥太平御覽引
作片籜近刻訛作

澤有淪輒有小鳥翠色投淵銜出若會稽之耘鳥也

案叔近刻
訛作私其水陽燠不耗案燠近刻
訛作焯陰霖不濫無能

測其淵深也古老相傳言嘗有人乘車于池側忽過

大風飄之于水有人獲其輪于桑乾泉故知二水潛

流通注矣池東隔阜又有一石池方可五六十步案原

本作五六
里從近刻清深鏡潔不異大池桑乾水自源東南流

右會馬邑川水水出馬邑西川俗謂之磨川矣蓋狄

語音訛案音近刻
訛作言馬磨聲相近故爾其水東逕馬邑

縣故城南干寶搜神記曰昔秦人築城于武州塞內

案州近刻
訛作周以備胡城將成而崩者數矣案近刻
脫者字有馬

馳走一地案近刻
脫馳字周旋反覆父老異之因依以築城

城乃不崩遂名之為馬邑案近刻脫或以為代之馬

城也諸記紛競未識所是漢以斯邑封韓王信後為

匈奴所圍信遂降之王莽更名之曰章昭其水東注

桑乾水案注近刻桑乾水又東南流水南有故城東

北臨河又東南右合灑水亂流枝水南分案水近刻

桑乾水又東左合武州塞水案州近刻水出故城東

南流出山逕日沒城南蓋夕陽西頽戎車所薄之城

故也案近刻說東有日中城案東近刻城東又有早

起城亦曰食時城在黃瓜阜北曲中其水又東流右

注桑乾水桑乾水又東南逕黃瓜阜曲西又屈逕其

堆南徐廣曰猗盧廢嫡子曰利孫于黃瓜堆者也又

東右合枝津枝津上承桑乾河東南流逕桑乾郡北

案近刻大魏因水以立郡受厥稱焉又東北左合夏

屋山水水南出夏屋山之東溪西北流逕故城北所

未詳也又西北入桑乾枝水桑乾枝水又東流長津

委浪案近刻通結兩湖東湖西浦淵潭相接水至清

深晨鳧夕鴈泛濫其上黛甲素鱗潛躍其下俯仰池

潭意深魚鳥所寡惟良水耳俗謂之南池池北對滢

陶縣之故城

案注古注字此下近刻衍南字

故曰南池也南池水又

東北注桑乾水為灑水自下竝受通稱矣

案近刻脫自下二字

灑水又東北逕石亭西

案石近刻訛作魏

蓋皇魏天賜三年

之所經建也灑水又東北逕白狼堆南魏烈祖道武

皇帝於是遇白狼之瑞故斯阜納稱焉阜上有故宮

廟樓榭基雉尚崇每至鷹隼之秋羽獵之日肆閱清

野為升眺之逸地矣灑水又東流四十九里東逕巨

魏亭北又東崞川水注之

案近刻脫水字

水南出崞縣故城

南

案崞下近刻衍山字

王莽之崞張也縣南面立岳右背崞山

處二山之中

案二近刻訛作三

故以崞張為名矣其水又西

出山謂之崞口北流逕繁峙縣故城東

案近刻脫縣字

王莽

之當要也又北逕巨魏亭東

案近刻脫東字

又北逕劇陽縣

故城西王莽之善陽也按十三州志曰在陰館縣東

北一百二里其水又東注于灑水灑水又東逕班氏

縣南如渾水注之水出涼城旋鴻縣西南五十餘里

東流逕故城南北俗謂之獨谷孤城水亦即名焉東

合旋鴻池水水出旋鴻縣東山水積成池

案積近刻訛作

北引魚水水出魚溪南流注池池水吐納川流以

成巨沼東西二里南北四里北對涼川城之南池案涼川城近刻說

作涼州池池方五十里俗名乞伏袁池案近刻說

隔越山阜鳥道不遠雲霞之間常有案此下有脫文西南流

逕旋鴻縣南右合如渾水是總二水之名矣如渾水

又東南流逕承固縣案永近刻說縣以太和中因山堂

之目以氏縣也右會羊水案近刻說水出平城縣之

西苑外武州塞北出東轉逕燕昌城南按燕書建興

十年慕容垂自河西還案近刻垂說作軍敗于參合

死者六萬人十一年垂衆北至參合見積骸如山設

祭弔之禮死者父兄皆號泣六軍哀慟案近刻脫垂

慙憤嘔血因而寢疾焉輦過平城北四十里疾篤築

燕昌城而還卽此城也北俗謂之老公城案北上近

城下有羊水又東注于如渾水亂流逕方山南案近

也字嶺上有文明太皇太后陵陵之東北有高祖陵

此二字二陵之南有永固堂堂之四周隅雉列樹階欄檻及

扉戶梁壁椽瓦悉文石也檐前四柱採洛陽之八風

谷黑石爲之雕鏤隱起以金銀間雲矩有若錦焉堂

之內外四側結兩石趺案近刻張青石屏風案張近

帳以文石為緣竝隱起忠孝之容題刻貞順之名廟

前鐫石為碑獸碑石至佳左右列柏四周迷禽闈日

院外西側有思遠靈圖圖之西有齋堂南門表二石

闕闕下斬山累結御路下望靈泉宮池皎若圓鏡矣

案此下近刻有羊水又東注五字係衍文如渾水又南至靈泉池枝津東

南注池池東西百步南北二百步池渚舊名白楊泉

泉上有白楊樹案有近刻因以名焉其猶長楊五柞

之流稱矣南面舊京北背方嶺左右山原案近刻亭

觀繡峙方湖反景若三山之倒水下如渾水又南逕

北宮下舊宮人作溥所在如渾水又南分爲二水一

水西出南屈入北苑中歷諸池沼又南逕虎圈東魏

太平真君五年成之以牢虎也季秋之月聖上親御

圈上勅虎士効力于其下事同奔戎生制猛獸卽詩

所謂袒裼暴虎獻于公所也故魏有捍虎圖也又逕

平城西郭內魏太常七年所城也案城近刻城周西

郭外有郊天壇壇之東側有郊天碑建興四年立其

水又南案近刻訛屈逕平城縣故城南史記曰高帝

先至平城史記音義曰在鴈門卽此縣矣王莽之平

順也魏天興二年遷都于此太和十六年破安昌諸

殿案安昌上近刻造太極殿東西堂及朝堂夾建象

魏乾元中陽端門東西二掖門雲龍神虎中華諸門

皆飾以觀閣東堂東接太和殿殿之東階下有一碑

太和中立石是洛陽八風谷之緇石也案上石字近刻詭在之字

下太和殿之東北案太和二字近刻因與淇水互舛

木接紫宮寺南對承賢門門南即皇信堂堂之四周

圖古聖忠臣烈士之容刊題其側是辯章郎彭城張

僧達樂安蔣少遊筆案近刻詭作于堂南對白臺臺甚高廣

臺基四周列壁閣道自內而升案道近刻作路國之圖錄秘

籍悉積其下臺西即朱明閣直侍之官出入所由也

案近刻脫也字其水夾御路南流逕蓬臺西魏神瑞三年又

建白樓案又下近刻衍毀字樓甚高竦加觀榭于其上表裏飾

以石粉皜曜建素赭白綺分故世謂之白樓也後置

大鼓于其上晨昏伐以千椎為城里諸門啓閉之候

謂之戒晨鼓也又南逕皇舅寺西是太師昌黎王馮

晉國所造案近刻詭作太師黎昌憑晉國所造有五層浮圖其神圖像

皆合青石為之加以金銀火齊衆綵之上煒煒有精

光又南逕永寧七級浮圖西

案永近刻
訛作水

其制甚妙案近

刻脫
其字

工在寡雙又南遠出郊郭弱柳蔭街絲楊被浦

公私引裂用周園漑

案近刻
作挽

長塘曲池所在布獲故

不可得而論也一水南逕白登山西服虔曰白登臺

名也去平城七里如淳曰平城旁之高城若丘陵矣

今平城東十七里有臺即白登臺也臺南對岡阜即

白登山也故漢書稱上遂至平城土白登者也為匈

奴所圍處孫暢之述畫曰漢高祖被圍七日陳平使

能畫作美女送與冒頓闕氏恐冒頓勝漢其寵必衰

說冒頓解圍于此矣其水又逕寧先宮東獻文帝之

為太上皇所居故宮矣宮之東次下有兩石柱是石

虎鄴城東門石橋柱也按柱勒趙建武中造以其石

作工妙徙之手此余為尚書祠部與宜都王穆羆同

拜北郊親所經見柱側悉鏤雲矩上作蟠螭甚有形

勢信為工巧去子丹碑則遠矣

案則近刻
訛作側

其水又南

逕平城縣故城東司州代尹治皇都洛陽以為恒州

水左有大道壇廟始光二年少室道士寇謙之所議

建也兼諸嶽廟碑亦多所署立其廟階三成四周欄

檻上階之上以木為圓基令互相枝梧案互近刻訛作干以

版砌其上欄陛承阿上圓制如明堂而專室四戶室

內有神坐坐右列玉磬皇輿親降受籙靈壇號曰天

師宣揚道式暫重當時壇之東北舊有靜輪宮魏神

廡四年造抑亦柏梁之流也臺榭高廣案近刻脫榭字超出

雲間欲令上延霄客下絕羗浮太平真君十一年又

毀之物不停固白登亦繼禡矣水右有三層浮圖真

容鷲架悉結石也裝制麗質亦盡美善也東郭外太

和中闈人宕昌公鉗耳慶時案慶近刻訛作處立祗洹舍于

東臯椽瓦梁棟臺壁櫺陛尊容聖像及牀坐軒帳悉

青石也圖制可觀所恨惟列壁合石疎而不密庭中

有祗洹碑碑題大象非佳耳然京邑帝里佛法豐盛

神圖妙塔桀峙相望法輪東轉茲為上矣其水自北

苑南出歷京城內河千兩湄太和十年累石結岸夾

塘之上雜樹交蔭郭南結兩石橋橫水為梁又南逕

藉田及藥圃西明堂東明堂上圓下方四周十二堂

九室案近刻訛作十二戶九堂而不為重隅也室外柱內綺井之

下施機輪飾縹碧案近刻脫碧字仰象天狀畫北道之宿焉

蓋天也

案上洛陽八風谷之綱石也自石字起至此句天字止近刻說在淇水江內右合泉源水

下原本不誤又此句朱謀埠云 每月隨斗所建之辰

當作畫北辰列宿象蓋天也 轉應天道此之異古也加靈臺于其上下則引水為

辟雍水側結石為塘事準古制是太和中之所經建

也如渾水又南與武州州水會

案州近刻訛作周下同

水出縣

西南山下二源翼導俱發七山東北流合成一川北

流逕武州縣故城西王莽之桓州也又東北右合黃

水

案近刻訛作黃山水

水西出黃阜下東北流

案東近刻訛作重

聖山

之水注焉水出西山東流注于黃水黃水又東注武

州川

案州近刻訛作周

又東歷故亭北右合火山西溪水水

導源火山西北流山上有火井南北六七十步

案近刻訛

作六十 廣減尺許源深不見底炎勢上升常若微雷

七步 發響以草爨之則煙騰火發東方朔神異傳云南方

有火山焉長四十里廣四五里其中皆生不燼之木

晝夜火燃得雨猛風不滅火中有鼠重百斤毛長二

尺餘細如絲色白時時出外以水逐而沃之則死取

其毛績以為布謂之火浣布是山亦其類也但卉物

則不能然其山以火從地中出故亦名熒臺矣火井

東五六尺又東有湯井廣輪與火井相狀熱勢又同

案近刻訛作勢熱又同以草內之則不燃皆沾濡露結故俗以

湯井為日井東有火井案火近刻訛作文以時祀祭焉井

北百餘步有東西谷廣十許步南崖下有風穴案崖近刻

訛作岸厥大容人其深不測而穴中肅肅常有微風雖

三伏盛暑猶須襲裘寒吹陵人不可暫停而其山出

雛烏形類雅烏純黑而姣好音與之同續采紺發鶩

若丹砂性馴良而易附案此下近刻衍幼子捕而執之

日赤鶩烏亦曰阿雛烏按小爾雅案近刻脫小字純黑反哺

謂之慈烏小而腹下白不反哺者謂之雅烏白脰而

羣飛者案脰近刻訛作頭下同謂之燕烏大而白脰者謂之蒼

烏爾雅曰鸛斯卑居也孫炎曰案炎近刻訛作爰卑居楚烏

隄為舍人以為壁居案近刻訛作壁屋說文謂之雅雅楚烏

莊子曰雅賈矣馬融亦曰賈鳥也案近刻也上有者字又按瑞

應圖有三足烏赤烏白烏之名而無記于此烏故書

其異耳自恒山已北並有此矣其水又東北流注武

州川水武州川水又東南流水側有石祗洹舍并諸

窟室比丘尼所居也其水又東轉逕靈巖南鑿石開

山因巖結構案巖近刻作崖真容巨壯世法所希案近刻山訛作締

堂水殿煙寺相望林淵錦鏡綴目新眺川水又東南

流出山魏土地記曰平城西三十里武州塞口者也

案城下近刻衍宮字州訛作周自山口枝渠東出入苑溉諸園池苑

有洛陽殿殿北有宮館一水自枝渠南流東南出火

山水注之水發火山東溪東北流出山山有石炭火

之熱同樵炭也又東注武州川逕平城縣南東流注

如渾水案東字近刻訛在府字上又南流逕班氏縣故城東王莽

之班副也闕駟十三州志曰班氏縣在郡西南百里

北俗謂之去留城也如渾水又東南流注于灑水灑

水又東逕平邑縣故城南案逕平近刻趙獻侯十三年

城平邑地理志屬代王莽所謂平胡也十三州志曰

城在高柳南百八十里案近刻脫百字北俗謂之醜寅城灑

水又東逕沙陵南魏金田之地也事同曹武鄴中定

矣案此語有脫誤裴松之注三國志引魏略云河北始開以王脩為司金中郎將續漢書百官志本注

云曹公始置司金中郎將利權悉歸于上矣灑水又東逕彘氏縣故城北

王莽更名之曰彘聚也十三州志曰縣在高柳南百

三十里俗謂之苦力干城矣案謂近刻訛作為灑水又東逕

道人縣故城南地理志王莽之道仁也地理風俗記

曰初築此城有仙人遊其地故因以為城名矣今城

北有淵潭而不流案近刻故俗謂之為平湖也十三

州志曰道人城在高柳東北八十里所未詳也灑水

又東逕陽原縣故城南地理志代郡之屬縣也北俗

謂之比邠州城案北近灑水又東安陽水注之案近

安字上行流水出縣東北潭中案潭近刻北俗謂之

太拔迴水自潭東南流注于灑水案潭近刻又東逕

東安陽縣故城北趙惠文王三年主父封長子章為

代安陽君案近刻脫此即章封邑王莽之竟安也案

近刻訛地理風俗記曰五原有西安陽故此加東也竟

灑水又東逕昌平縣温水注之水出南墳下三源俱

導合而南流東北注灑水灑水又東逕昌平縣故城

北王莽之長昌也昔牽招為魏鮮卑校尉屯此灑水

又東北逕桑乾縣故城西又屈逕其城北王莽更名

之曰安德也魏土地記曰代城北九十里有桑乾城

城西渡桑乾水去城十里有温湯療疾有驗經言出

南非也蓋誤證矣魏任城王彰以建安二十三年伐

烏丸入涿郡逐北遂至桑乾案近刻訛作遂正于此

也案正近刻訛作止灤水又東流祁夷水注之水出平舒縣

東逕平舒縣之故城南澤中史記趙孝成王十九年

以汾門予燕易平舒徐廣曰平舒在代王莽更名之

曰平葆後漢世祖建武七年封揚武將軍馬成爲侯

國案揚近刻訛作陽其水控引衆泉以成一川魏土地記曰

代城西九十里平舒城西南五里代水所出東北

流言代水非也祁夷水又東北逕蘭亭南又東北逕

石門關北舊道出中山故關也又東北流水側有故

池按魏土地記曰代城西南三十里有代王魚池池

西北有代王臺東去代城四十里祁夷水又東北得

飛狐谷卽廣野君所謂杜飛狐之口也蘇林據酈公

之說言在上黨卽實非也如淳言在代是矣晉建興

中劉琨自代出飛狐口奔于安次卽于此道也魏土

地記曰代城南四十里有飛狐關關水西北流逕南

舍亭西又逕句瑱亭西西北注祁夷水祁夷水又東

北流逕代城西盧植言初築此城板幹一夜自移于

此故代西南五十里大澤中營城自護結葦爲九門

于是就以爲治城圓而方周四十七里開九門

更名其故城曰東城趙滅代案此下有脫文漢封孝文爲代

王梅福上事曰代谷者惇山在其南北塞在其北谷

中之地上谷在東代郡在西是其地也王莽更之曰

厭狄亭魏土地記曰城內有二泉一泉流出城西門

案泉近刻訛一泉流出城北門二泉皆北注代水祁

夷水又東北熱水注之水出綾羅澤澤際有熱水亭

其水東北流注祁夷水祁夷水又東北谷水注之水

出昌平縣故城南案近刻脫水字又東北入祁夷水祁夷水

右會逆水水導源將城東西北流逕將城北在代城

東北十五里疑卽東代矣而尙傳將城之名盧植曰

此城方就而板幹自移應劭曰城徙西南去故代五

十里故名代曰東城或傳書倒錯情用疑焉而無以

辨之逆水又西注于祁夷之水逆之爲名以西流故

也祁夷水東北逕青牛淵水自淵東注之蒼彥云案

近刻說有潛龍出于茲浦形類青牛焉故淵潭受名

矣潭深不測而水周多蓮藕生焉祁夷水又北逕一

故城西西去代城五十里又疑是代之東城而非所

詳也又逕昌平郡東魏太和中置西南去故城六十
 里又北連水入焉水出雒營縣東西北流逕雒營縣
 故城南又西逕廣昌城南魏土地記曰代南二百里
 有廣昌城南通大嶺卽實非也十三州記曰平舒城
 東九十里廣平城疑是城也尋其名狀忖理爲非
 又西逕王莽城南又西到刺山水注之水出到刺山
 西山甚層峻未有升其巔者案巔近刻
訛作嶺魏土地記曰
 代城東五十里有到刺山山上有佳大黃也其水北
 流逕一故亭東城北有石人故世謂之石人城西北

注連水連水又北逕當城縣故城西高祖十二年周
 勃定代斬陳豨于當城卽此處也應劭曰當桓都山
 作城故曰當城也又逕故代東而西北流注祁夷水
 祁夷水西有隋山山上有神廟謂之女郎祠方俗所
 祠也祁夷水又北逕桑乾故城東而北流注于灑水
 地理志曰祁夷水出平舒縣北至桑乾入灑是也灑
 水又東北逕石山水口水出南山北流逕空侯城東
 魏土地記曰代城東北九十里有空侯城者也案近
刻脫
 者其水又東北流注灑水灑水又東逕潘縣故城北

案近刻訛作
逕潘城縣北

東合協陽關水水出協溪魏土地記曰

下洛城西南九十里有協陽關關道西通代郡其水

東北流歷斧頭山關駟曰斧頭山在潘城南卽是山

也又北逕潘縣故城左會潘泉故瀆瀆舊上承潘泉

于潘城中或云舜所都也魏土地記曰下洛城西南

四十里有潘城城西北三里有歷山山上有虞舜廟

十三州記曰廣平城東北百七十里潘縣地理志

曰王莽更名樹武其泉從廣十數步東出城注協陽

關水雨盛則通注陽旱則不流惟泝泉而已關水又

東北流注于灑水灑水又東逕雍洛城南魏土地記

曰下洛城西南二十里

案西南近刻
訛作西西

有雍洛城桑乾

水在城南東流者也灑水又東逕下洛縣故城南王

莽之下忠也魏燕州廣甯縣廣甯郡治魏土地記曰

去平城五十里城南二百步有堯廟灑水又東逕高

邑亭北

案近刻脫
此七字

又東逕三臺北灑水又東逕無鄉

城北地理風俗記曰燕語呼毛爲無

案毛近刻
訛作亡

今改

宜鄉也灑水又東

案此下近
刻衍逕字

溫泉水注之水上承溫

泉于橋山下魏土地記曰下洛城東南四十里有橋

山山下有温泉案近刻脫泉上有祭堂雕簷華宇被

于浦上石池吐泉湯湯其下炎涼代序是水灼焉無

改能治百疾是使赴者若流池水北流入于灑水灑

水又東左得于延水口水出塞外柔玄鎮西長川城

南小山案柔近刻山海經曰梁渠之山無草木多金

玉脩水出焉東南流逕且如縣故城南應劭曰當城

西北四十里有且如城故縣也代稱不拘名號變改

按其城郭相去遠矣地理志曰中部都尉治于延水

出縣北塞外即脩水也脩水又東南逕馬城縣故城

北地理志曰東部都尉治十三州志曰馬城在高柳

東二百四十里俗謂是水為河頭河頭出戎方土俗

變名耳又東逕零丁城南右合延鄉水水出縣西山

東逕延陵縣故城北地理風俗記曰當城西北有延

陵鄉故縣也俗指為琦城案近刻訛作舊又東逕羅

亭又東逕馬城南案近刻又東注脩水又東南于大

甯郡北右注鴈門水山海經曰鴈門之水出于鴈門

之山鴈出其門案近刻在高柳北高柳在代中其山

重巒疊巘霞舉雲高連山隱隱東出遼塞其水東南

流逕高柳縣故城北舊代郡治秦始皇二十三年虜
 趙王遷以國為郡王莽之所謂厭狄也建武十九年
 世祖封代相堪為侯國昔牽招斬韓忠于此處城在
 平城東南六七十里于代為西北也鴈門水又東南
 流屈逕一故城背山面澤北俗謂之叱險城鴈門水
 又東南流屈而東北積而為潭其陂斜長而不方東
 北可二十餘里廣十五里蒹葭叢生焉敦水注之其
 水導源西北少咸山之南麓案近刻其說作導
 山字說在之字下東流
 逕參合縣故城南地理風俗記曰道人城北五十里

有參合鄉故縣也敦水又東案近刻說
 作東又澁水注之水

出東阜下西北流逕故城北俗謂之和堆城又北合

敦水亂流東北注鴈門水故山海經曰少咸之山敦

水出焉東流注于鴈門之水郭景純曰水出鴈門山

謂斯水也鴈門水又東北入陽門山謂之陽門水與

神泉水合案近刻脫
 此二字水出葦壁北水有靈焉及其密

雲不雨陽旱愆期多禱請焉水有二流世謂之比連

泉一水東北逕一故城東世謂之石虎城而東北流

注陽門水又東逕三會亭北又東逕西伺道城北又

東託台谷水注之水上承神泉于葦壁北東逕陽門

山南託台谷謂之託台水汲引泉溪渾濤東注案近刻渾

訛作澤又重一澤字行者間十餘渡東逕三會城南又東逕託

台亭北又東北逕馬頭亭北東北注鴈門水鴈門水

又東逕大甯郡北魏太和中置有脩水注之即山海

經所謂脩水東流注于鴈門水也地理志有于延水

而無鴈門脩水之名山海經有鴈門之目而無說于

延河案無近刻訛作燕自下亦通謂之于延水矣水側有桑

林故時人亦謂是水為藜桑河也斯乃北土寡桑至

此見之因以名焉于延水又東逕岡城南按史記蔡

澤燕人也謝病歸相秦號岡成君疑即澤所邑也世

名武岡城于延水又東左與寧川水合水出西北東

南流逕小甯縣故城西東南流注于延水于延水又

東案近刻脫此十九字逕小甯縣故城南地理志寧縣也西部

都尉治王莽之博康也魏土地記曰大甯城西二十

里有小甯城昔邑人班丘仲居水側賣藥于甯百餘

年人以爲壽後地動宅壞仲與里中數十家皆死民

人取仲尸棄于延水中收其藥賣之仲被裘從而詰

之此人失怖

案此近刻訛作北

叩頭求哀仲曰不恨汝故使

人知我耳去矣後為夫餘王驛使來甯

案來近刻訛作永

方人謂之謫仙也

案此近刻訛作北

于延水又東黑城川水

注之水有三源出黑土城西北奇源合注總為一川

東南逕黑土城西又東南流逕大甯縣西而南入延

河延河又東逕大甯縣故城南地理志云廣寧也王

莽曰廣康矣魏土地記曰下洛城西北百三十里

案近刻脫有大甯城于延水又東南逕茹縣故城北王莽

之穀武也世謂之如口城魏土地記曰城在鳴雞山

西十里南通大道西達寧川于延水又東南逕鳴雞

山西魏土地記曰下洛城東北三十里有延河東流

北有鳴雞山史記曰趙襄子殺代王于夏屋而并其

土襄子迎其姊于代其姊代之夫人也至此曰代已

亡矣吾將何歸乎遂磨笄于山而自殺代人憐之為

立祠焉因名其山為磨笄山

案其山近刻脫由字

每夜有野雞

羣鳴于祠屋上故亦謂之為鳴雞山魏土地記云代

城東南二十五里有馬頭山其側有鍾乳穴趙襄子

既害代王迎姊姊代夫人夫人曰以弟慢夫非仁也

以夫怨弟非義也磨笄自刺而死使者自殺民憐之為立神屋于山側因名之為磨笄之山未詳孰是于

延水又南逕且居縣故城南王莽之所謂久居也案近

刻脫所謂二字其水東南流注于灤水地理志曰于延水東

至廣寧入沽案沽原本及近刻並訛非矣

又東過涿鹿縣北

涿水出涿鹿山世謂之張公泉東北流逕涿鹿縣故

城南王莽所謂捕陸也案捕近刻黃帝與蚩尤戰于

涿鹿之野留其民于涿鹿之阿案阿近刻即于是也

案近刻作其水又東北與阪泉合水導源縣之東泉

魏土地記曰下洛城東南六十里有涿鹿城城東一

里有阪泉泉上有黃帝祠晉太康地理記曰阪泉亦

地名也泉水東北流與蚩尤泉會水出蚩尤城城無

東面魏土地記稱涿鹿城東南六里有蚩尤城泉水

淵而不流霖雨併則流注阪泉亂流東北入涿水涿

水又東逕平原郡南魏徙平原之民置此故立僑郡

以統流雜案近刻涿水又東北逕祚亭北而東北入

灤水亦云涿水枝分入匈奴者謂之涿邪水案近刻

地理潛顯難以究昭非所知也灑水又東南左會清夷水亦謂之滄河也水出長亭南西逕北城村故城北又西北平鄉川水注之水出平鄉亭西西北流注清夷水清夷水又西北逕陰莫亭在居庸縣南十里清夷水又西會牧牛山水案近刻魏土地記曰沮陽脫水字城東八十里有牧牛山下有九十九泉即滄河之上源也山在縣東北三十里山上有道武皇帝廟者舊云山下亦有百泉競發有一神牛駿身目山而降下飲泉竭故山得其名今山下導九十九泉積以成川

西南流谷水與浮圖溝水注之水出夷輿縣故城西南王莽以為朔調亭也其水俱西南流注于滄水滄水又西南右合地裂溝古老云晉世地裂分此界間成溝壑有小水俗謂之分界水南流入滄河滄河又西逕居庸縣故城南魏上谷郡治昔劉虞攻公孫瓚不克北保此城為瓚所擒有粟水入焉水出縣下城西枕水又屈逕其縣南南注滄河滄河又西右與陽溝水合案右與近刻說作與右水出縣東北西南流逕居庸縣故城北案近刻脫故字西逕大翻小翻山南高巒截雲層陵

斷霧雙阜共秀競舉羣峰之上郡人王次仲少有異志年及弱冠變蒼頡舊文爲今隸書秦始皇時官務煩多以次仲所易文簡便于事要奇而召之三徵而輒不至次仲履真懷道窮數術之美始皇怒其不恭令檻車送之次仲首發于道化爲大鳥出在車外翻飛而去落二翻于斯山故其峯巒有大翻小翻之名矣魏土地記曰沮陽城東北六十里有大翻小翻山上神名大翻神山屋東有溫湯水口其山在縣西北二十里峯舉四十里上廟則次仲廟也右出溫湯

療治萬病泉所發之麓俗謂之土亭山此水炎熱倍甚諸湯下足便爛人體療疾者要須別引消息用之耳不得言大翻山東其水東南流左會陽溝水亂流南注滄河滄河又左得清夷水口魏土地記曰牧牛泉西流與清夷水合者也自下二水互受通稱矣清夷水又西靈亭水注之

案亭下近刻衍城字

水出馬蘭西澤中

衆泉瀉溜歸于澤澤水所鍾以成溝瀆瀆水又左與

馬蘭溪水會水導源馬蘭城

案近刻脫源字

城北負山勢因

阿仍溪民居所給惟仗此水南流出城東南入澤水

澤水又南逕靈亭北又屈逕靈亭東次仲落烏翮于

此案落字近刻說在次仲上故是亭有靈亭之稱矣其水又南流

注于清夷水清夷水又西與泉溝水會案與近刻說作得水

導源川南平地北注清夷水清夷水又西南得桓公

泉蓋齊桓公霸世北伐山戎過孤竹西征東馬懸車

上卑耳之西極故水受斯名也水源出沮陽縣東而

西北流入清夷水清夷水又西逕沮陽縣故城北秦

上谷郡治此案秦字下近刻行始皇字王莽改郡曰朔調縣曰沮

陰闕駟曰涿鹿東北至上谷城六十里魏土地記曰

城北有清夷水西流也其水又屈逕其城西南流注

于灤水灤水南至馬陘山謂之落馬洪案近刻說作河

又東南出山

灤水又南出山案出近刻說作入瀑布飛梁懸河注壑瀟瀟

十許丈謂之落馬洪抑亦孟門之流也灤水自南出

山謂之清泉河俗亦謂之曰千水非也灤水又東南

逕良鄉縣之北界歷梁山南高梁水出焉

過廣陽薊縣北

灤水又東逕廣陽縣故城北謝承後漢書曰世祖與

鉅期出薊至廣陽欲南行即此城也謂之小廣陽灤
 水又東北逕薊縣故城南魏土地記曰薊城南七里
 有清泉河而不逕其北蓋經誤證矣昔周武王封堯
 後于薊今城內西北隅有薊丘因丘以名邑也猶魯
 之曲阜齊之營丘矣武王封召公之故國也秦始皇
 二十三年滅燕以為廣陽郡漢高帝以封盧綰為燕
 王更名燕國案近刻脫名字王莽改曰廣有案近刻訛作公縣曰代
 戎案近刻訛作成城有萬載宮光明殿東掖門下舊慕容儁
 立銅馬像處昔慕容廆有駿馬赭白有奇相逸力至

儁光壽元年齒四十九矣案近刻脫齒字而駿逸不虧儁奇
 之比鮑氏驄命鑄銅以圖其像親為銘讚鑄頌其傍
 像成而馬死矣大城東門內道左有魏征北將軍建
 成鄉景侯劉靖碑案近刻北訛作南成訛作城晉司隸校尉王密
 表靖功加于民案近刻脫靖字宜在祀典以元康四年九月
 二十日刊石建碑案康近刻訛作嘉揚于後葉矣灤水又東
 與洗馬溝水合水上承薊水西注大湖湖有二源水
 俱出縣西北平地導源流結西湖湖東西二里南北
 三里蓋燕之舊池也綠水澄澹川亭望遠亦為遊囑

之勝所也湖水東流為洗馬溝側城南門東注

案近刻說

作南東門注

昔銚期奮戟處也其水又東入灤水灤水又

東逕燕王陵南陵有伏道西北出薊城中景明中造

浮圖建刹窮泉掘得此道王府所禁莫有尋者通城

西北大陵而是二墳基趾磐固

案近刻脫墳字磐訛作盤

猶自高

壯竟不知何王陵也灤水又東南高粱之水注焉水

出薊城西北平地泉流東注

案近刻脫流字

逕燕王陵北又

東逕薊城北又東南流魏土地記曰薊東十里有高

梁之水者也其水又東南入灤水

又東至漁陽雍奴縣西入笥溝

漢光武建武二年封潁川太守寇恂為雍奴侯魏遣

張郃樂進圍雍奴即此城矣笥溝路水之別名也

案近

刻脫路字

魏土地記曰清泉河上承桑乾河東流與潞河

合灤水東入漁陽所在枝分故俗諺云高粱無上源

清泉無下尾蓋以高粱微涓淺薄裁足津通憑藉涓

流方成川湄清泉至潞所在枝分更為微津散漫難

尋故也

水經注 卷十三 項家達校

水經注卷十三

此處為水經注卷十三的正文內容，因字跡模糊，具體文字難以辨認。

水經注卷十四

後魏 酈道元撰

濕餘水 沽河 鮑丘水 濡水

大遼水 小遼水 淇水

濕餘水出上谷居庸關東

案漢書地理志上谷郡軍都溫餘水東至路南入沽元史

秦定三年溫榆水溢昌平平西水記云溫榆河即昌平之榆河遼史作溫渝本水經注之濕餘水以字相似而訛也今考溫與濕並灑之訛後漢書王霸傳云可從溫水漕溫水乃灑水唐韋挺運米至盧思臺方知渠閉則久壞不脩耳霸所漕者溫水非溫餘水也李賢注引溫餘釋之疎矣灑水有說文為顯證而溫餘見漢書濕餘見水經承說已久今姑仍之

水經注 卷十四

關在沮陽城東南六十里居庸界故關名矣更始使者入上谷案近刻脫更如二字耿況迎之于居庸關即是關也

其水導源關山南流歷故關下溪之東岸有石室三層其戶牖扇扉悉石也蓋故關之候臺矣南則絕谷

累石為關垣案近刻訛作址崇墉峻壁非輕功可舉山岫層

深側道褊狹林鄣遠險案近刻訛作據路才容軌曉禽暮

獸寒鳴相和羈官遊子聆之者莫不傷思矣其水歷

山南逕軍都縣界又謂之軍都關續漢書曰尚書盧

植隱上谷軍都山是也案近刻脫是字其水南流出關謂之

下口水流潛伏十許里也案近刻也上行是字

東流過軍都縣南案東流上行近刻行又字又東流過薊縣北

濕餘水故瀆東逕軍都縣故城南又東重源潛發積

而為潭謂之濕餘潭又東流易荆水注之其水導源

西北千蓼泉案近刻北下行逕字亦曰丁蓼水東南流逕郁山

西謂之易荆水公孫瓚之敗于鮑丘也走保易荆疑

阻此水也案瓚走保易京在今雄縣界非易荆水也此誤引易荆水又東左

合虎眼泉水出平川東南流入易荆水又東南與孤

山之水合水發川左導源孤山東南流入易荆水謂

之塔界水又東逕薊城又東逕昌平縣故城南

案昌平近

刻訛作

又謂之昌平水魏土地記曰薊城東北百四十里有昌平城城西有昌平河又東流注濕餘水

案流

近刻訛

濕餘水又東南流左合芹城水

案合近刻訛作右水

出北山南逕芹城

案此下近刻有又字

東南流注濕餘水濕餘

水又東南流逕安樂故城西更始使謁者韓鴻北徇承制拜吳漢為安樂令即此城也

又北屈東南至狐奴縣西入于沽河

昔彭寵使狐奴令王梁南助光武起兵自是縣矣濕

餘水于縣西南東入沽河故地理志曰濕餘水自軍

都縣東至潞南入沽是也

案潞今漢書作路

沽河從塞外來

沽河出禦夷鎮西北九十里丹花嶺下東南流大谷

水注之水發鎮北大谷溪西南流逕獨石北界石孤

生不因阿而自峙

案阿近刻訛作河

又南九源水注之

案源近刻

訛作泉

水導北川左右翼注八川共成一水

案八近刻訛作入

故有九源之稱其水南流至獨石注大谷水大谷水又南逕獨石西又南逕禦夷鎮城西魏太和中置以

捍北狄也又東南尖谷水注之水源出鎮城東北尖

溪西南流逕鎮城東西南流注大谷水亂流南注沽

水又南出峽夾岸有二城案近刻脫夾字世謂之獨固門以

其藉險憑固易為依据案據據古字通巖壁升聳案巖近刻訛作兼

疎通若門故得是名也沽水又南左合乾溪水引北

川西南逕一故亭東又西南注沽水沽水又西南逕

赤城東趙建武年并州刺史王霸為燕所敗退保此

城城在山阜之上下枕深隍案枕近刻訛作抗溪水之名藉

以變稱故河有赤城之號矣沽水又東南與鵲谷水

合水有二源南即陽樂水也案濡水注內又別有陽樂水此水漢志作樂陽

水出且居縣地理志曰水出縣東南流逕大翻山小

翻山北案東南流近刻作東北流歷女祁縣故城南地理志曰東

部都尉治王莽之祁縣也世謂之橫水又謂之陽田

河案田近刻訛作曲又東南逕一故亭又東左與候鹵水合

案候近刻訛作舊下同水出西北山東南流逕候鹵城北城在

居庸縣西北二百里故名云候鹵太和中更名禦夷

鎮又東南流注陽樂水陽樂水又東南傍狼山南案傍

字上近刻山石白色特上案近刻訛白字亭亭孤立超出羣

山之表又東南逕溫泉東泉在山曲之中又逕赤城
 西屈逕其城南東南入赤城河河水又東南右合高
 峯水水出高峯戍東南城在山上其水西南流又屈
 而東南入沽水沽水又西南流出山逕漁陽縣故城
 西而南合七度水水出北山黃頌谷故亦謂之黃頌
 水東南流注于沽水沽水又南漁水注之水出縣東
 南平地泉流西逕漁陽縣故城南應劭曰在漁水之
 陽也案近刻脫此九字考諸地說則無聞案此下近刻衍所識釋三字脈
 水尋川則有自案近刻訛作考地尋川則有應氏自今城在斯水之陽

有符應說漁陽之名當屬此秦發閭左成漁陽卽是

城也漁水又西南入沽水案漁水近刻訛作漁陽沽水又南與

螺山之水合水出漁陽城南小山魏土地記曰城南

五里有螺山其水西南入沽水沽水又南逕安樂縣

故城東晉書地道記曰晉封劉禪爲公國俗謂之西

潞水也

南過漁陽狐奴縣北西南與濕餘水合爲潞河案潞近刻訛作

沽

水西南流逕狐奴山西又南逕狐奴縣故城西漁

陽太守張堪于縣開稻田教民種植百姓得以殷富

童謠歌曰桑無附枝麥秀兩岐張君為政樂不可支

視事八年匈奴不敢犯塞沽水又南陽重溝水注之

水出狐奴山南轉逕狐奴城西案近刻訛作南王莽之所謂

舉符也側城南注右會沽水沽水又南濕餘水注之

沽水又南左會鮑丘水世所謂東潞也沽水又南逕

潞縣為潞河案近刻訛作為潞名潞河也魏土地記曰城西三十

里有潞河是也案近刻脫是字

又東南至雍奴縣西為笥溝案近刻脫為字

灑水入焉俗謂之合口也又東鮑丘水于縣西北而

東出案近刻出下

又東南至泉州縣與清河合東入于海清河者派河尾

也

沽河又東南逕泉州縣故城東王莽之泉調也沽水

又東南合清河今無水清淇漳洹澣易涑濡沽滹沱

同歸于海案淇近刻訛作湛故經曰派河尾也

鮑丘水從塞外來南過漁陽縣東

鮑丘水出禦夷北塞中南流逕九莊嶺東俗謂之大

榆河又南逕鎮東南九十里西密雲戍西又南左合

道人溪水水出北川案近刻脫出字南流逕孔山西又歷密

雲戍東左合孟廣峒水水出峒下峒甚層峻峨峨冠

衆山之表其水西逕孔山南上有洞穴開明故土俗

以孔山流稱峒水又西南至密雲戍東西注道人水

亂流西南逕密雲戍城南案近刻脫西南二字右會大榆河有

東密雲故是城言西矣大榆河又東南流白楊泉水

注之北發白楊溪望離右注大榆河案望離與下自坎相對舉近刻

訛作望離又東南龍芻溪水自坎注之案坎近刻訛作決大榆河

又東南出峽案近刻脫出字逕安州舊漁陽郡之滑鹽縣南

左合縣之北溪水水出縣北廣長塹南太和中掘此

以防北狄其水南流逕滑鹽縣故城東王莽更名匡

德也漢明帝改曰鹽田右承治世謂之斛鹽城西北

去禦夷鎮二百里南注鮑丘水又南逕僂奚縣故城

東案奚近刻訛作溪王莽更之曰敦德也鮑丘水又西南逕

獷平縣故城東王莽之所謂平獷也又南合三城水

水出曰里山案曰近刻作四西逕三城案近刻作平獷城蓋後人所改謂之

三城水又逕香陘山山上悉生橐本香世故名焉又

西逕石窟南窟內寬廣行者依焉窟內有水淵而不流栖薄者取給焉又西北逕伏凌山南案凌近刻訛作凌與

石門水合水出伏凌山山峻巖部寒深陰崖積雪

凝冰夏結事同離騷峨峨之詠故世人因以名山也

一水西南流注之案近刻脫一字是水有桑谷之名蓋沿出

桑溪故也又西南逕獮平城東南而右注鮑丘水鮑

丘水又東南逕漁陽縣故城南漁陽郡治也案近刻脫縣故

城南漁陽六字秦始皇二十二年置王莽更名通潞縣曰得

漁鮑丘水又西南流公孫瓚既害劉虞烏丸思劉氏

之德迎其子和合衆十萬破瓚于是水之上斬首一

萬鮑丘水又西南歷狐奴城東又西南流注于沽河

亂流而南

又南過潞縣西

鮑丘水入潞通得潞河之稱矣案潞河近刻訛作鮑丘高粱水

注之水首受灤水于戾陵堰水北有梁山山有燕刺

王旦之陵故以戾陵名堰水自堰枝分東逕梁山南

又東北逕劉靖碑北其詞云魏使持節都督河北道

諸軍事征北將軍建城鄉侯沛國劉靖字文恭登梁

山以觀源流相灑水以度形勢案灑近刻訛作隰脫水字嘉武安

之通渠羨秦民之殷富案羨近刻訛作美乃使帳下丁鴻督

軍士千人案督字近刻訛在丁鴻上以嘉平二年立邊于水案邊即揭

導高粱河造屎陵邊開車箱渠其邊表云高粱河水

者出自并州潞河之別源也案近刻潞訛作黃也訛作時長岸峻

固直截中流積石籠以為主邊高一丈東西長三十

丈南北廣七十餘步依北岸立水門門廣四丈立水

十丈山水暴發案近刻訛作山川暴發則乘邊東下平流守常

則自門北入灌田歲二千頃凡所封地百餘萬畝至

景元三年辛酉詔書以民食轉廣陸廢不贍遣謁者

樊晨更制水門限田千頃刻地四千三百一十六頃

出給郡縣改定田五千九百三十頃水流乘車箱渠

自薊西北逕昌平東盡漁陽潞縣凡所潤合案近刻作合

四五百里所灌田萬有餘頃高下孔齊案近刻訛作齊原隰

底平疏之斯溉決之斯散導渠口以為濤門灑滌池

以為甘澤施加于當時敷被于後世晉元康四年君

少子驍騎將軍平鄉侯弘受命使持節監幽州諸軍

事領護烏丸校尉寧朔將軍邊立積三十六載至五

年夏六月洪水暴出毀損四分之三剩北岸七十餘丈上渠車箱所在漫溢追惟前立遏之勲親臨山川指授規略命司馬關內侯逢惲內外將士二千人起長岸立石渠脩主邊案主近刻說作立治水門門廣四丈立水五尺與復載利通塞之宜準遵舊制凡用功四萬有餘焉諸部王侯不召而自至緦負而事者蓋數千人詩載經始勿亟易稱民忘其勞斯之謂乎于是二府文武之士感秦國思鄭渠之績魏人置豹祀之義乃選慕仁政追述成功元康五年十月十一日刊石

立表以紀勲烈并記遏制度永為後式焉事見其碑

辭又東南流逕薊縣北案近刻說逕字又東至潞縣注于鮑

丘水又南逕潞縣故城西王莽之通潞亭也漢光武

遣吳漢耿弇等破銅馬五幡于潞東謂是縣也屈而

東南流逕潞城南世祖拜彭寵為漁陽太守治此寵

叛光武遣游擊將軍鄧隆伐之軍于是水之南光武

策其必敗果為寵所破遺壁故壘存焉鮑丘水又東

南入夏澤澤南紆曲渚十餘里北佩謙澤眇望無垠

也案根近刻說作限

又南至雍奴縣北屈東入于海

鮑丘水自雍奴縣故城西北舊分筍溝水東出今筍

溝水斷案今近刻訛衆川東注混同一瀆東逕其縣

北又東與河河合水出右北平無終縣西山白楊谷

西北流逕平谷縣屈西南流獨樂水入焉水出北抱

犢固南逕平谷縣故城東後漢建武元年光武遣十

二將追大槍五幡及平谷大破之于是縣也其水南

流入于洵洵水又左合盤山水水出山上其山峻險

人跡罕交去山三十許里望山上水可高二十餘里

素湍皓然頽波歷溪沿流而下自西北轉注于洵水

洵水又東南逕平谷縣故城東南與洵河會水出北

山山在僂奚縣故城東南東南流逕博陸故城北又

屈逕其城東世謂之平陸城非也漢武帝璽書封大

司馬霍光為侯國文穎曰博大陸平取其嘉名而無

其縣食邑北海河東薛瓚曰按漁陽有博陸城謂此

也今城在且居山之陽案近刻訛作今處平陸之上

帀帶川流而據四水文氏所謂無縣目案近刻嘉美

名也洵水又東南流逕平谷縣故城西而東南流注

于洶河

案洶河上近刻衍渠字

洶河又南逕緜城東而南合五

百溝水水出七山北東逕平谷縣之緜城南東入于

洶河洶河又東南逕臨洶城北

案洶近刻訛作河

屈而歷其

城東側城南出竹書紀年梁惠成王十六年齊師及

燕戰于洶水齊師遁卽是水也洶水又南入鮑丘水

鮑丘水又東合泉州渠口故瀆上承滹沱水于泉州

縣案滹沱源木及近刻並訛作宰池考淇水注云滹河至泉州縣北入滹沱又東泉州渠出焉卽此今

改故以泉州爲名北逕泉州縣東又北逕雍奴縣東

西去雍奴故城百二十里自滹沱北入其下歷水澤

百八十里入鮑丘河謂之泉州口陳壽魏志曰曹太

祖以蹋頓擾邊將征之

案將字上近刻衍公字

從洶口鑿渠逕

雍奴泉州以通河海者也今無水鮑丘水又東庚水

注之

案庚原本及近刻並訛作庚下同考漢志右北平無終渡水西至雍奴入海後靡澤水南至無

終東入庚顏師古云溷音庚卽下所云入庚者同一水也可證庚方庚之訛今改正水出右北

平徐無縣北塞中而南流歷徐無山得黑牛谷水又

得沙谷水竝西出山東流注庚水昔田子泰避難居

之

案子泰近刻訛作于泰

衆至五千家開山圖曰山出不灰之

木生火之石按注云其木色黑似炭而無葉有石赤

色如丹以二石相磨案二近刻則火發以然無灰之

木可以終身今則無之其水又逕徐無縣故城東王

莽之北順亭也魏土地記曰右北平城東北百一十

里有徐無城其水又西南與周盧溪水合水出徐無

山東南流注庚水庚水又西南流灑水注之水出右

北平俊靡縣王莽之俊麻也東南流案近刻脫世謂

之車輦水又東南流與溫泉水合水出北山溫溪案

也刻脫溫源也養疾者不能燥其炎漂以其過灼故

也案近刻魏土地記曰徐無城東有溫湯即此也其

水南流百步便伏流入于地下水盛則通注灑水又

東南逕石門峽山高嶄絕案山下近壁立洞開俗謂

之石門口漢中平四年漁陽張純反殺右北平太守

劉政遼東太守陽紘中平五年詔中郎將孟益案近

說作與益率公孫瓚討純戰于石門大破之灑水又

東南流謂之北黃水又屈而為南黃水又西南逕無

終山即帛仲理所合神丹處也又于是山作金五千

斤以救百姓山有陽翁伯玉田在縣西北有陽公壇

社即陽公之故居也搜神記曰雍伯洛陽人至性篤

孝父母終歿葬之于無終山山高八十里而上無水
 雍伯置飲焉有人就飲與石一斗令種之玉生其田
 北平徐氏有女雍伯求之要以白璧一雙媒者致命
 伯至玉田求得五雙徐氏妻之遂即家焉陽氏譜敘
 言翁伯是周景王之孫食采陽樊春秋之末爰宅無
 終因陽樊而易氏焉愛人博施天祥玉田其碑文云
 居于縣北六十里翁同之山後路徙于西山之下陽
 公又遷居焉而受玉田之賜情不好寶玉田自去今
 猶謂之為玉田陽于寶曰于種石處四角作大石柱

各一丈中央一頃之地名曰玉田至今相傳云玉田
 之揭起于此矣而今不知所在同于譜敘自去文矣

案于近刻訛作之又玉田自去見碑
 文此言譜敘者或碑文即譜敘所引

北山東流屈而南案近刻作東
 屈而南流逕無終縣故城東故

城無終子國也春秋襄公四年案近刻訛
 作十四年無終子嘉

父使孟樂如晉因魏絳納虎豹之皮請和諸戎是也

故燕地矣秦始皇二十二年滅燕置右北平郡治此

王莽之所謂北順也漢世李廣為郡出遇伏石謂虎
 也射之飲羽即此處矣魏土地記曰右北平城西北

百三十里有無終城其水又南入灑水灑水又西南入于庚水地理志曰灑水出俊靡縣南至無終東入

庚水庚水世亦謂之為柘水也南逕燕山下案近刻說作上

懸巖之側有石鼓去地百餘丈望若數百石因有石

梁貫之鼓之東南有石援桴狀同擊勢耆舊言燕山

石鼓鳴則土有兵庚水又南逕北平城西而南入鮑

丘水謂之柘口鮑丘水又東逕右北平郡故城南魏

土地記曰薊城東北三百里有右北平城鮑丘水又

東巨梁水注之水出土垠縣北陳宮山西南流逕觀

雞山謂之觀雞水水東有觀雞寺寺內起大堂案起近刻

說作甚高廣可容千僧下悉結石為之上加塗墍基

內疎通枝經脈散基側室外四出爨火炎勢內流一

堂盡温蓋以此土寒嚴霜氣肅猛出家沙門率皆貧

薄施主慮闕道業故崇斯構是以志道者多栖託焉

其水又西南流右合區落水水出縣北山東南流入

巨梁水巨梁水又南案近刻說作西逕土垠縣故城西左會

寒渡水水出縣東北西南流至縣右注梁河梁河又

南澗于水注之水出東北山西南流逕土垠縣故城

東西南流入巨梁水巨梁水又東南右合五里水水

發北平城東北五里山故世以五里名溝一名田繼

泉西流南屈逕北平城東東南流注巨梁河亂流入

于鮑丘水案此下近刻有巨梁二字衍自是水之南南極溲沱案近

刻脫一西至泉州雍奴東極于海謂之雍奴藪其澤

野有九十九淀枝流條分案近刻訛作往往逕通非

惟梁河鮑丘歸海者也案近刻訛作

濡水從塞外來東南過遼西令支縣北

濡水出禦夷鎮東南其水二源雙引夾山西北流出

山合成一川案濡水即今灤河源出巴延屯圖古爾山名都爾本諾爾西北至茂罕和碩三

道河始自東會之道元當時未經親履其地遂以夾

山來會之三道河為灤河正源殊屬失實恭讀

御製灤源考證訂覈審確實足正鄙又西北逕禦夷故

氏之誤謹錄弁卷首並附識于此

城東鎮北百四十里北流左則連淵水注之案左下

道字淵訛作泉水出故城東西北流逕故城南又西北逕綠

水池南池水淵而不流案池近刻其水又西屈而北

流又東逕故城北連結兩沼案沼上近刻謂之連淵浦

案淵近刻訛作泉又東北注難河難河右則汙水入焉案汙

案近刻脫野字鎮東北二百三十里西北入難河濡難聲相

近狄俗語訛耳濡水又北逕沙野西又北逕箕安山

東屈而東北流逕沙野北東北流逕林山北案後有木林山

水其地卽唐之松陁疑林山及木林山皆松林山之訛水北有池潭而不流濡

水又東北流逕孤山南東北流呂泉水注之水出呂

泉塢西東南流屈而東逕塢南東北流三泉水注之

其源三泉雁次合爲一水鎮東北四百里東南注呂

泉水呂泉水又東逕孤山北又東北逆流水注之水

出東南導泉西流右屈而東北注木林山水會之水

出山南東注逆水亂流東北注濡河濡河又東盤泉

入焉水自西北東南流注濡河濡河又東南水流迴

曲謂之曲河鎮東北三百里又東出峽入安州界東

南流逕漁陽白檀縣故城地理志曰濡水出縣北蠻

中案漢志白檀縣作漁水師古曰漁音呼麴反漢景帝詔李廣曰將軍其

帥師東轅弭節白檀者也又東南流右與要水合水

出塞外三川竝導謂之大要水也東南流逕要陽縣

故城東本都尉治王莽更之曰要術矣要水又東南

流逕白檀縣而東南流入于濡案白檀要陽在今密雲縣竝非灤水所經

鄭氏此條舛誤殊甚
御製熱河考濼源考證特加辨正一破千古傳訛謹附

此于濡水又東南索頭水注之水北出索頭川南流

案此八字通刻謂逕廣陽僑郡西魏分右北平置今

安州治又南流注于濡濡水又東南流武列水入焉

其水三川派合西源右為溪水亦曰西藏水東南流

出溪與蟠泉水合泉發州東十五里東流九十里東

注西藏水西藏水又西南流東藏水注之水出東溪

一曰東藏水西南流出谷與中藏水合水導中溪南

流出谷南注東藏水故目其川曰三藏川水曰三藏

水東藏水又南右入西藏水案西藏水即今之固都

今之茅溝河次合東藏水即今之養音河爾呼河先合中藏水即

藏水于中藏水之前以為東溪西溪合流而與西源

會殊乖川流之次恭讀御製熱河考訂正詳審道元之附會耳食顯然無疑謹

錄弁卷首並附識于此亂流右會龍泉水水出東山下淵深不

測其水西南流注于三藏水三藏水又東南流與龍

芻水合西出于龍芻之溪案西近刻東流入三藏水

案近刻又東南流逕武列溪案近刻謂之武列水東

南歷石挺下挺在層巒之上案近刻脫挺字在訛作

孤石雲舉臨崖危峻可高百餘仞牧守所經案近刻

命選練之士彎張弧矢

案近刻脫張字

無能屆其崇標者其

水東合流入濡濡水又東南五渡水注之水北出安

樂縣丁原山南流逕其縣故城西本三會城也其水

南入五渡塘于其川也流紆曲溯涉者頻濟故川塘

取名矣又南流注于濡濡水又與高石水合水東出

安樂縣東山西流歷三會城南西入五渡川下注濡

水濡水又東南逕盧龍塞塞道自無終縣東出渡濡

水向林蘭陁東至清陁

案清陁方輿紀要作青陁下同

盧龍之險峻

坂縈折故有九紵之名矣

案紵近刻作呼

燕景昭元璽二年

遣將軍步渾治盧龍塞道焚山刊石令通方軌刻石

嶺上以記事功其銘尚存而庾杲之注揚都賦言盧

龍山在平岡城北殊為孟浪遠失事實余按盧龍東

越清陁至凡城二百許里自凡城東北出趣平岡故

城可百八十里向黃龍則五百里故陳壽魏志田疇

引軍出盧龍塞塹山堙谷五百餘里逕白檀歷平岡

登白狼望柳城平岡在盧龍東北遠矣而仲初言在

南非也濡水又東南逕盧龍故城東漢建安十二年

魏武征蹋頓所築也濡水又南黃洛水注之水北出

盧龍山南流入于濡濡水又東南洛水合焉水出盧

龍塞西南流注濡水濡水又屈而流案近刻訛作左

得去潤水又合敖水二水竝自盧龍西注濡水濡水

又東南流逕令支縣故城東王莽之令氏亭也秦始

皇二十二年分燕置遼西郡令支隸焉魏土地記曰

肥如城西十里有濡水南流逕孤竹城西右合立水

世謂之小濡水案世近刻訛作也非也水出肥如縣東北立

溪案近刻脫縣字西南流逕其縣東東展南轉西迴逕肥如

縣故城南俗又謂之肥如水案近刻脫之字又此句之下衍非也二字故

城肥子國應劭曰晉滅肥肥子奔燕燕封于此故曰

肥如也漢高帝六年封蔡寅為侯國西南流右會盧

水水出縣東北沮溪南流謂之大沮水又南左合陽

樂水水出東北陽樂縣溪案近刻脫溪字地理風俗記曰陽

樂故燕地案近刻訛作也遼西郡治秦始皇二十二年置魏

土地記曰海陽城西南有陽樂城其水又西南入于

沮水謂之陽口沮水又西南小沮水注之水發冷溪

世謂之冷池又南得溫泉水口案此下近刻衍注之二字水出東

北溫溪自溪西南流入于小沮水小沮水又南流與

大沮水合而為盧水也桑欽說盧子之書言晉既滅

肥遷其族于盧水盧水有二渠號小沮大沮合而入

于立水案木上近刻衍盧字又南與温水合水出肥如城北西

流注于立水地理志曰盧水南入立立水又西南逕

孤竹城北西入濡水故地理志曰立水東入濡蓋自

東而注也地理志曰令支有孤竹城故孤竹國也案

字近刻說在城字上史記曰孤竹君之二子伯夷叔齊讓國于

此而餓死于首陽漢靈帝時遼西太守廉翻夢人謂

已曰余孤竹君之子伯夷之弟遼海漂吾棺柳聞君

仁善願見藏覆明日視之水上有浮棺吏嗤笑者皆

無疾而死于其改葬之晉書地道志曰遼西人見遼

水有浮棺欲破之語曰我孤竹君也汝破我何為因

為立祠焉祠在山上城在山側肥如縣南十二里水

之會也

又東南過海陽縣西南入于海

濡水自孤竹城東南逕西鄉北案西近刻瓠溝水注

之水出城東南東流注濡水濡水又逕故城南案故

訛作分為二水北水北水枝出世謂之小濡水也東逕樂

安亭北東南入海濡水東南流逕樂安亭南東與新

河故瀆合瀆自雍奴縣承鮑丘水東出謂之鹽關口

魏太祖征蹋頓與洶口俱導也世謂之新河矣案近刻脫

之陳壽魏志云以通海也案近刻脫云字又新河又

東北絕庚水案近刻脫又東北出逕右北平絕洶渠

之水又東北逕昌城縣故城北案此下近刻衍故字王莽之淑

武也新河又東分為二水案近刻脫分字枝瀆東南入海新

河自枝瀆東出合封大水謂之交流口案近刻脫作合水出

新安平縣案近刻脫安字下同西南流逕新安平縣故城西地

理志遼西之屬縣也又東南流龍鮮水注之水出縣

西北世謂之馬頭水案近刻脫作山二源俱導南合一川東

流注封大水案近刻脫封字地理志曰龍鮮水東入封大水

者也亂流南會新河南注于海案注近刻脫作流地理志曰

封大水于海陽縣南入海新河又東出海陽縣與緩

虛水會案虛近刻脫水出新平縣東北世謂之大籠

川案近刻脫東南流逕令支城西西南流與新河合南

流注于海案近刻脫地理志曰緩虛水與封大水皆南

入海新河又東與素河會謂之白水口水出令支縣

之藍山南合新河又東南入海新河又東至九過口

案過近刻作過枝分南注海新河又東逕海陽縣故城南漢

高祖六年封搖母餘為侯國魏土地記曰令支城南

六十里有海陽城者也新河又東與清水會水出海

陽縣東南流逕海陽城東又南合新河又南流十許

里西入九過注海新河東絕清水又東木究水出焉

南入海新河又東左池為北陽孤淀案北近刻訛作孔淀水

右絕新河案近刻脫淀水二字右上行名字南注海新河又東會于

濡濡水又東南至桑縣碣石山文穎曰碣石在遼西

桑縣王莽之選武也桑縣并屬臨渝王莽更臨渝為

馮德案馮近刻地理志曰大碣石山在右北平驪成

縣西南王莽改曰揭石也案揭近刻作碣漢武帝亦嘗登之

以望巨海而勒其石于此今枕海有石如甬道數十

里當山頂有大石如柱形往往而見立于巨海之中

潮水大至則隱案近刻脫此二字及潮波退不動不沒不知

深淺世名之天橋柱也狀若人造要亦非人力所就

韋昭亦指此以為碣石也三齊略記曰始皇于海中

作石橋海神為之豎柱始皇求與相見神曰我形醜

莫圖我形當與帝相見乃入海四十里見海神左右
莫動手工人潛以腳畫其狀神怒曰帝負約速去始
皇轉馬還前腳猶立後腳隨崩僅得登岸畫者溺死
于海衆山之石皆傾注今猶岌岌東趣疑卽是也濡
水于此南入海而不逕海陽縣西也蓋經誤證耳又
按管子齊桓公二十年征孤竹未至卑耳之溪十里
闐然止瞳然視援弓將射案接近刻
訛作授引而未發謂左
右曰見前乎左右對曰不見公曰寡人見長尺而人
物具焉冠右祛衣走馬前豈有人若此乎管仲對曰

臣聞豈山之神有偷兒

案管子作登山之神有偷兒

長尺人物具

霸王之君興則豈山之神見且走馬前走導也祛衣
示前有水右祛衣示從右方涉也至卑耳之溪有贊
水者從左方涉其深及冠右方涉其深至膝已涉大
濟桓公拜曰仲父之聖至此寡人之抵罪也久矣今
自孤竹南出則巨海矣而滄海之中山望多矣然卑
耳之川若贊溪者亦不知所在也昔在漢世海水波
襄吞食地廣當同碣石苞淪洪波也

大遼水出塞外衛白平山東南入塞過遼東襄平縣西

遼水亦言出砥石山案砥近刻自塞外東流直遼東

之望平縣西王莽之長說也屈而西南流逕襄平縣

故城西秦始皇二十二年滅燕置遼東郡治此漢高

帝八年封紀通為侯國王莽之昌平也故平州治又

南逕遼隊縣故城西案近刻南訛作王莽更名之曰

順睦也案睦近刻公孫淵遣將軍畢行拒司馬懿于

遼隊卽是處也案此下近刻有遼水又南歷縣

又東南過房縣西

地理志房故遼東之屬縣也遼水右會白狼水水出

右北平白狼縣東南案近刻此下有廣北流西北屈

逕廣成縣故城南王莽之平虜也俗謂之廣都城又

西北石城川水注之水出西南石城山東流逕石城

縣故城南地理志右北平有石城縣北屈逕白鹿山

西卽白狼山也魏書國志曰遼西單于蹋頓尤強為

袁氏所厚故袁尚歸之數入為害公出盧龍塹山堙

谷五百餘里未至柳城二百里尚與蹋頓將數萬騎

逆戰公登白狼山望柳城卒與虜遇乘其不整縱兵

擊之虜衆大崩斬蹋頓胡漢降者二十萬口英雄記

曰曹操于是擊馬鞞于馬上作十片卽于此也博物

志曰魏武于馬上逢獅子使格之殺傷甚衆王乃自

率常從健兒數百人擊之獅子吼呼奮越案吼近刻作哮左

右咸驚王忽見一物從林中出如狸超上王車輓上

獅子將至此獸便跳上獅子頭上獅子卽伏不敢起

于是遂殺之得獅子而還未至洛陽四十里洛中雞

狗皆無鳴吠者也案洛中近刻脫作洛陽其水又東北入廣成

縣東注白狼水白狼水北逕白狼縣故城東案近刻脫故字

王莽更名伏狄白狼水又東方城川水注之水發源

西南山下案源近刻脫作川東流北屈逕一故城西案近刻脫東字

世謂之雀目城東屈逕方城北東入白狼水白狼水

又東北逕昌黎縣故城西地理志曰交黎也東部都

尉治王莽之禽虜也應劭曰今昌黎也高平川水注

之水出西北平川東流逕倭城北蓋倭人徙之案近

刻說作蓋委也人從之又東南逕乳樓城北蓋逕戎鄉邑兼夷

稱也案近刻脫作之又東南注白狼水白狼水又東北自魯

水注之水導西北遠山東南注白狼水白狼水又東

北逕龍山西燕慕容皝以柳城之北龍山之南福地

也使陽裕築龍城改柳城為龍城縣十二年黑龍白
 龍見于龍山號親觀龍去二百步祭以太牢二龍交
 首嬉翔解角而去號悅大赦號新宮曰和龍宮立龍
 翔祠于山上白狼水又北逕黃龍城東十三州志曰
 遼東屬國都尉治昌遼道有黃龍亭者也案遼近刻
 訛作黎
 魏營州刺史治魏土地記曰黃龍城西南有白狼河
 東北流附城東北下即是也又東北濫真水出西北
 塞外東南歷重山東南入白狼水白狼水又東北出
 東流分為二水案近刻
 脫分字右水疑即渝水也地理志曰

渝水首受白狼水西南循山逕一故城西世以為河

連城

案近刻循訛作
 巡脫兩字世字

疑是臨渝縣之故城王莽曰馮

德者矣

案近刻馮
 訛作憑

渝水南流東屈與一水會世名之

曰榼倫水蓋戎方之變名耳疑即地理志所謂侯水

北入渝者也十三州志曰侯水南入渝地理志蓋言

自北而南也

案蓋言近刻
 訛作言蓋

又西南流注于渝渝水又

東南逕一故城東俗曰女羅城又南逕營丘城西營

丘在齊而名之于遼燕之間者蓋燕齊遼迴僑分所

在其水東南入海地理志曰渝水自塞外南入海

案近

刻脫外字一水東北出塞為白狼水又東南流至房縣注

于遼魏土地記曰白狼水下入遼也

又東過安市縣西南入于海

十三州志曰案近刻脫曰字大遼水自塞外案近刻脫外字西南至

安市入于海

又立菟高句麗縣有遼山小遼水所出

縣故高句麗胡之國也案胡近刻脫作相漢武帝元封二年

平右渠置立菟郡于此王莽之下句麗水出遼山西

南流逕遼陽縣與大梁水會水出北塞外西南流至

遼陽入小遼水案近刻脫作西南流逕至遼水故地理志曰大梁水

西南至遼陽入遼郡國志曰縣故屬遼東後入立菟

其水西南流故謂之為梁水也小遼水又西南逕襄

平縣為淡淵晉永嘉三年潤小遼水又逕遼隊縣案近

刻脫作逕襄平縣入大遼水案遼近刻脫作梁司馬宣王之平遼東

也斬公孫淵于斯水之上者也

西南至遼隊縣入于大遼水也案此十二字近刻在前接小遼水所出下係後

人移

浪水出樂浪饒方縣東南過臨浪縣東入于海案近刻過下衍

水經注

卷十四

辰

字于

許慎云泚水出鏤方東入海一曰出泚水縣十三州

志曰泚水縣在樂浪東北鏤方縣在郡東蓋出其縣

南逕鏤方也

案南近刻訛作而又此句之下原本空一字朱謀瑋引謝耳伯云宋本原缺十

二昔燕人衛滿自泚水西至朝鮮案西近刻訛作而朝鮮故

箕子國也箕子教民以義田織信厚約以八法而下

知禁遂成禮俗戰國時滿乃王之都王險城地方數

千里至其孫右渠漢武帝元封二年遣樓船將軍楊

僕左將軍荀彘討右渠破渠于泚水遂滅之若泚水

東流無渡泚之理其地今高句麗之國治余訪蕃使


言城在泚水之陽其水西流逕故樂浪朝鮮縣卽樂

浪郡治漢武帝置而西北流故地理志曰泚水西至

增地縣入海又漢興以朝鮮爲遠循遼東故塞至泚

水爲界考之今古于事差謬蓋經誤證也

水經注卷十四



水經注卷十五

後魏 酈道元 撰

洛水 伊水 瀍水 澗水

洛水出京兆上洛縣謹舉山

地理志曰洛出冢嶺山山海經曰出上洛西山又曰

謹舉之山洛水出焉東與丹水合水出西北竹山東

南流注于洛洛水又東尸水注之案此八字原本及近刻並訛作經尸

近刻訛作水北發口山案發上近刻衍出字南流入洛洛水又

東得乳水案此七字原本及近刻並訛作經水北出良餘山南流注

于洛案流近刻洛水又東會于龍餘之水案此十字原本及近

刻並訛水出蠱尾之山案蠱近刻東流入洛洛水又

東案近刻脫至陽虛山合玄扈之水山海經曰洛水

東北流注于玄扈之水案近刻脫是也又曰自鹿蹊

之山以至玄扈之山凡九山玄扈亦山名也而通與

謹舉為九山之次焉故山海經曰此二山者洛間也

是知玄扈之水出于玄扈之山蓋山水兼受其目矣

其水逕于陽虛之下山海經又曰案又字近刻陽虛

之山臨于玄扈之水是為洛汭也河圖玉版曰倉頡

為帝南巡登陽虛之山臨于玄扈洛汭之水靈龜負

書丹甲青文以授之即于此水也洛水又東歷清池

山案此句之下東合武里水水南出武里山東北流

注于洛洛水又東門水出焉案此八字原本及爾雅

所謂洛別為波也洛水又東要水入焉水南出三要

山東北逕拒陽城西而東北流入于洛洛水又東與

獲水合水南出獲輿山案輿近刻訛俗謂之備水也

東北逕獲輿川世名之為卻川東北流注于洛洛水

又東逕熊耳山北禹貢所謂導洛自熊耳案此十八

上十五字詁作經下三字仍屬注文近
刻截上九字詁作經下九字仍屬注文博物志曰洛

出熊耳蓋開其源者是也

東北過盧氏縣南

洛水逕鳴渠關北案此七字原本及近刻並詁作經又近刻鳴作陽下同 鳴渠

水南出鳴渠山案南出近刻詁作出南 卽荀渠山也其水一源

兩分川流半解一水西北流屈而東北入于洛山海

經曰熊耳之山浮豪之水出焉西北流注于洛疑卽

是水也荀渠蓋熊耳之殊稱若太行之歸山也故地

說曰熊耳之山地門也洛水出其間是亦總名矣其

一水東北逕鳴渠城西故關城也其水東北流注于

洛洛水又東逕盧氏縣故城南案此十一字原本及近刻並詁作經竹

書紀年晉出公十九年晉韓龍取盧氏城案龍今竹書紀年作

龐又近刻脫取盧二字王莽之昌富也有盧氏川水注之水北

出盧氏山東南流逕盧氏城東南流注于洛案近刻脫

一東字南洛水又東翼合三川案翼上近刻衍龍字竝出縣之

南山東北注洛開山圖曰盧氏山宜五穀可避水災

亦通謂之石城山山在宜陽山西南千名之山咸處

其內陵阜原隰案近刻詁作險易以度身者也有葛蔓谷

水自南山流注洛水洛水又東逕高門城南卽宋書

所謂後軍外兵龐季明入盧氏進達高門木城者也

洛水東與高門水合案此八字原本及近刻並訛作經水出北山東

南流合洛水枝津水上承洛水東北流逕石勒城北

又東逕高門城北東入高門水亂流南注洛洛水又

東松陽溪水注之案陽近刻訛作楊下同又此十字原本及近刻並訛作經水出

松陽山北流注于洛洛水又東逕黃亭南又東合黃

亭溪水案亭近刻作城水出鵝鵞山有二峰峻極于天高

崖雲舉亢石無階援徒喪其捷巧颺族謝其輕工及

其長霄冒嶺層霞冠峰方乃就辨優劣耳故有大小

鵝鵞之名矣溪水東南流歷亭下謂之黃亭溪水又

東南入于洛水洛水又東得荀公溪口案溪近刻訛作漢水

出南山荀公澗案近刻脫公字卽龐季明所入荀公谷者也

其水歷谷東北流注于洛水洛水又東逕檀山南其

山四絕孤峙山上有塢聚俗謂之檀山塢義熙中劉

公西入長安舟師所屆次于洛陽命參軍戴延之案軍

近刻訛作將與府舍人虞道元卽舟遡流窮覽洛川欲知

水軍可至之處延之屆此而返竟不達其源也洛水

又東庫谷水注之案此九字原本及近刻並訛作經水自宜陽山南

三川竝發合為一溪東北流注于洛洛水又東得鵠

鵠水口水北發鵠鵠澗案北發近刻訛作發北東南流入于洛

洛水又逕僕谷亭北左合北水水出北山東南流注

于洛洛水又東侯谷水出南山北流入于洛洛水又

東逕龍驤城北龍驤將軍王鎮惡從劉公西入長安

陸行所由案行近刻訛作徑故城得其名洛水又東左合宜

陽北山水水自北溪南流注洛洛水又東廣由澗水

注之水出南山由溪北流逕龍驤城東而北流入于

洛洛水又東右得直谷水水出南山北逕屯城西北
流注于洛水也

又東北過蠡城邑之南

城西有鳩水案近刻脫有字出北四里山土原高二十五丈

故龜池縣洽南對金門鳩水南五里舊宜陽縣治也

洛水右會金門溪水水南出金門山北逕金門鳩西

北流入于洛洛水又東合款水其水案此二字近刻作一有字

源竝發兩川逕引謂之大款水也合而東南入于洛

洛水又東黍良谷水入焉案良近刻訛作良水南出金門山

開山圖曰山多重固在韓案山下近刻衍出字建武二年强弩

大將軍陳俊案大近刻訛作偏轉擊金門白馬皆破之卽此

也而東北流注于洛洛水又東左合北溪南流入于

洛也

又東過陽市邑南又東北過于父邑之南

太陰谷水南出太陰溪北流注于洛洛水又東合白

馬溪水水出宜陽山澗有大石厥狀似馬故溪澗以

物色受名也溪水東北流注于洛案東下近刻衍又字洛水又

東有昌澗水注之水出西北宜陽山而東南流逕宜

陽故郡南舊陽市邑也故洛陽都典農治此後改爲

郡其水又南注于洛洛水又東逕一合塢南城在川

北原上高二十丈南北東三箱天險峭絕惟築西面

卽爲固案固上近刻有合字一合之名起于是矣劉曜之將攻

河南也晉將軍魏該奔于此故于父邑也洛水又東

合杜陽澗水案陽近刻訛作楊下同水出西北杜陽溪東南逕

一合塢東與槃谷水合亂流東南入洛洛水又東渠

谷水出宜陽縣南女几山案此十五字原本及近刻截上六字訛作經下九字

仍屬注文東北流逕雲中塢左上迨遭層峻案左近刻訛作在流

煙半垂纓帶山阜故塢受其名渠谷水又東北入洛

水案近刻脫渠谷二字臧榮緒晉書稱孫登嘗經宜陽山作炭

人見之與語登不應作炭者覺其精神非常咸共傳

說太祖聞之使阮籍往觀與語亦不應籍因大嘯登

笑曰復作向聲又為嘯求與俱出登不肯籍因別去

登上峰行且嘯如簫韶笙簧之音聲振山谷籍怪而

問作炭人作炭人曰故是向人聲籍更求之不知所

止推問久之乃知姓名余按孫綽之敘高士傳言在

蘇門山又別作登傳孫盛魏春秋亦言在蘇門山又

不列姓名阮嗣宗感之著大人先生論言吾不知其

人既神遊自得不與物交阮氏尚不能動其英操復

不識何人而能得其姓名

又東北過宜陽縣南

洛水之北有熊耳山雙巒競舉狀同熊耳此自別山

不與禹貢導洛自熊耳同也昔漢光武破赤眉樊崇

積甲仗與熊耳平卽是山也山際有池池水東南流

水側有一池世謂之澠池矣又東南逕宜陽縣故城

西謂之西度水又東南流入于洛洛水又東逕宜陽

縣故城南

案此十一字原本及近刻並訛作經

秦武王以甘茂為左丞

相曰寡人欲通三川窺周室死不朽矣茂請約魏以

攻韓斬首六萬遂拔宜陽城故韓地也後乃縣之漢

哀帝封息夫躬為侯國城之西門赤眉樊崇與盆子

及大將等奉璽綬劍璧處世祖不即見明日陳兵于

洛水見盆子等謂盆子丞相徐宣曰不悔乎宣曰不

悔上歎曰卿庸中噉噉鐵中錚錚也洛水又東與厭

染之水合

案染近刻訛作梁

水出縣北傅山大陂山無草木

其水自陂北流屈而東南注世謂之五延水又東南

流逕宜陽縣故城東東南流注于洛洛水又東南黃

中澗水出北阜二源奇發總成一川東流注于洛洛

水又東祿泉水注之

案近刻脫水字

其水北出近溪

案近刻訛作近

出北

洛水又東共水入焉水北出長石之山山無草

木其西有谷焉厥名共谷共水出焉南流得尹溪口

水出西北尹谷東南注之共水又西南與左澗水會

案共水又西南與近刻訛作其水右與西南

水東出近川西流注于共水

共水又南與李谷水合水出西北李溪東南注蔡水

蔡水發源蔡谷西南流與李谷水合而西南流入共

水共水世謂之石頭泉案近刻脫之字而南流注于洛洛水

又東黑澗水南出陸渾西山歷于黑澗西北入洛洛

水又東臨亭川水注之水出西北近溪東南與長澗

水會案與下近刻行湖字水出北山南入臨亭水又東南歷九

曲西而南入洛水也

又東北出散關南

洛水東逕九曲南其地十里有坂九曲穆天子傳所

謂天子西征升于九阿此是也洛水又東與豪水會

水出新安縣密山南流歷九曲東而南流入于洛洛

水之側有石墨山山石盡黑可以書疏故以石墨名

山矣洛水又東枝瀆左出焉案此九字原本及近刻並訛作經東出

關絕惠水又逕清女冢南冢在北山上者舊傳云斯

女清貞秀古跡表來今矣枝瀆又東案枝近刻訛作故下同逕

周山上有周靈王冢皇覽曰周靈王葬于河南城西

南周山上蓋以王生而神故諡曰靈其冢人祠之不

絕又東北逕柏亭南皇覽曰周山在柏亭西北案北近刻

訛作柏謂斯亭也又東北逕三王陵東北出案此下近刻衍焉字

三王或言周景王悼王定王也魏司徒公崔浩注西

征賦云定當為敬子朝作難西周政弱人荒悼敬二
 王與景王俱葬于此故世以三王名陵帝王世紀曰
 景王葬于翟泉今洛陽太倉中大冢是也而復傳言
 在此所未詳矣又悼敬二王稽諸史傳復無葬處今
 陵東有石碑錄赧王以上世王名號考之碑記周墓
 明矣枝瀆東北歷制鄉逕河南縣王城西歷邠鄔陌
 杜預釋地曰縣西有邠鄔陌謂此也枝瀆又北入穀
 蓋經始周啓瀆久廢不脩矣洛水自枝瀆又東出關
 惠水右注之世謂之八關水戴延之西征記謂之八

關澤卽經所謂散關鄣自南山橫洛水北屬于河皆
 關塞也卽楊僕家僮所築矣惠水出白石山之陽東
 南流與瞻水合水東出婁涿之山而南流入惠水惠
 水又東南謝水北出瞻諸之山東南流又有交觸之
 水北出廆山南流俱合惠水惠水又南流逕關城北
 案城北近刻二十里者也案此有脫誤其城西阻塞垣東
 枕惠水案枕近刻靈帝中平元年以河南尹何進為
 大將軍率五營士屯都亭案近刻置函谷廣城伊闕
 大谷轅轅旋門小平津孟津等八關案函谷下近刻
 衍關字闕亦訛

作關復脫小字都尉官治此函谷為之首在八關之限故世

人總其統目有八關之名矣其水又南流入于洛水

山海經曰白石之山惠水出其陽而南流注于洛謂

是水也洛水又與虢水會水出扶豬之山案扶豬近刻訛作林

豬北流注于洛水之南案之近刻作其則鹿蹏之山也世謂

之非山案此下近刻衍也字其山陰則峻絕百仞陽則原阜隆

平甘水發于東麓北流注于洛水也

又東北過河南縣南

周書稱周公將致政乃作大邑成周于中土南繫于

洛水北因于邠山以為天下之大湊孝經援神契曰

八方之廣周洛為中謂之洛邑竹書紀年晉定公二

十年洛絕于周魏襄王九年洛入成周山水大出南

有甘洛城郡國志所謂甘城也案志下近刻衍日字地記曰洛

水東北過五零陪尾北與澗漣合是二水東入千金

渠故瀆存焉

又東過洛陽縣南伊水從西來注之

洛陽周公所營洛邑也故洛誥曰我卜瀍水東亦惟

洛食其城方七百二十丈南繫于洛水北因于邠山

以為天下之溱方六百里因西八百里案近刻脫此三字為

千里春秋昭公三十一年案近刻訛作二十三年晉合諸侯大

夫成周之城故亦曰成周也司馬遷自序云案近刻脫

司馬二字太史公留滯周南華仲治曰吉之周南今之洛

陽漢高祖始欲都之感婁敬之言不日而駕行矣屬

光武中興宸居洛邑逮于魏晉咸兩宅焉故魏略曰

漢火行忌水故去其水而加佳魏為土德土水之牡

也水得土而流土得水而柔除佳加水長沙耆舊傳

云祝良字召卿案召近刻訛作石為洛陽令歲時亢旱天子

祈雨不得良乃曝身階庭告誠引罪自晨至中案近刻作

午紫雲水起案近刻作杏起甘雨登降人為歌曰天久不雨

烝人失所天王自出祝令特苦精符感應滂沱下雨

則縣司及河南尹治司隸周官也漢武帝使領徒隸

董督京畿後因名司州焉案近刻脫後字地記曰洛水東入

于中提山間東流會于伊是也昔黃帝之時天大霧

三日帝遊洛水之上見大魚殺五牲以醮之天乃甚

雨七日七夜魚流始得圖書今河圖視萌篇是也昔

王子晉好吹鳳笙招延道士與浮丘同遊伊洛之浦

案與字近刻含始又受玉雞之瑞于此水亦洛神宓

說在道字上妃之所在也洛水又東合水南出半石之山北逕合

水塢而東北流注于公路澗但世俗音譌號之曰光

祿澗非也上有袁術固四周絕澗迢遞百仞廣四五

里有一水淵而不流故溪澗卽其名也合水北與劉

水合水出半石東山西北流逕劉聚

案逕近刻

說作于三面

臨澗在緱氏西南周畿內劉子國故謂之劉澗其水

西北流注于合水合水又北流注于洛水也

又東過偃師縣南

洛水東逕計素渚中朝時百國貢計所頓故渚得其

名又直偃師故縣南

案直近刻

說作東與緱氏分水又東休

水自南注之其水導源少室山西流逕穴山南而北

與少室山水合水出少室北溪西南流注休水休水

又左會南溪水發大穴南山北流入休水休水又

西南北屈潛流地下其故瀆北屈出峽謂之大穴口

北歷覆釜堆東蓋以物象受名矣又東屆零星塢水

流潛通重源又發側緱氏原開山圖謂之緱氏山也

亦云仙者升焉言王子晉控鶴斯阜

案鶴近

刻作鶴靈王望

而不得近舉手謝而去其家得遺屣俗亦謂之爲撫父堆堆上有子晉祠或言在九山非此世代已遠案此

下近刻莫能辨之劉向列仙傳云世有簫管之聲焉有矣字

休水又逕延壽城南緱氏縣治故滑費春秋滑國所

都也王莽更名中亭卽緱氏城也城有仙人祠謂之

仙人觀休水又西轉北屈逕其城西水之西南有司

空密陵元侯鄭袤廟碑案元近刻說文缺不可復識

又有晉城門校尉昌原恭侯鄭仲林碑晉泰始六年

立案泰近刻休水又北流注于洛水洛水又東逕百

說作皇

谷塢北戴延之西征記曰塢在川南因高爲塢高十

餘丈劉武王西入長安舟師所保也案保近刻洛水

又北陽渠水注之案此九字原本及竹書紀年晉襄

公六年洛絕于洶卽此處也洛水又北逕偃師城東

東北歷鄆中水南謂之南鄆案此下近刻有中水亦

曰上鄆也逕訾城西司馬彪所謂訾聚也而鄆水注

之水出北山鄆溪其水南流世謂之溫泉水水側有

僵人穴案僵近刻穴中有僵尸戴延之從劉武王西

征記曰有此尸尸今猶在夫物無不化之理魄無不

遷之道案魄近刻作魂而此尸無神識事同木偶之狀喻其

推移未若正形之速遷矣鄴水又東南于訾城西北

東入洛水故京相璠曰今鞏洛渡北有鄴谷水東入

洛謂之下鄴故有上鄴下鄴之名亦謂之北鄴于是

有南鄴北鄴之稱矣又有鄴城蓋周大夫鄴肸之舊

邑案肸近刻訛作盼下同洛水又東逕訾城北又東羅水注之

案此十四字原本及近刻並訛作經水出方山羅川西北流蒲池水注

之水南出蒲陂案近刻脫水字訛作出南蒲陂西北流合羅水謂之

長羅川案近刻訛作長川羅亦曰羅中也蓋肸子鄴羅之宿居

故川得其名耳羅水又西北白馬溪水注之水出嵩

山北麓逕白馬塢東而北入羅水西北流白桐澗水

注之案桐近刻訛作相下同水出嵩麓桐溪北流逕九山東又

北九山溪水入焉案山下近刻衍東字水出百稱山東谷其山

孤峰秀出嵯嶢分立仲長統曰昔密有卜成者案卜成近

刻訛作十城身遊九山之上放心不拘之境謂是山也山

際有九山廟廟前有碑云九顯靈府君者太華之元

子陽九列名號曰九山府君也南據嵩岳北帶洛瀍

晉元康二年九月太歲在戊案此有脫誤近刻作太歲庚午考元康二年乃

也王子帝遣殿中中郎將關內侯樊廣緱氏令王與主

簿傅演案近刻脫主簿二字傳訛作傳奉宣詔命興立廟殿焉又有

百蟲將軍顯靈碑碑云將軍姓伊氏諱益字贗改帝

高陽之第二子伯益者也晉元康五年七月七日順

人吳義等建立堂廟永平元年二月二十日刻石立

頌贊示後賢矣其水東北流入白桐澗又北逕袁公

塢東蓋公路始固有此也故有袁公之名矣北流注

于羅水羅水又西北逕袁公塢北又西北逕潘岳父

子墓前有碑岳父此瑯琊太守碑石破落文字缺敗

岳碑題云給事黃門侍郎潘君之碑碑云君遇孫秀

之難闔門受禍故門生感覆醢以增慟乃樹碑以記

事太常潘尼之辭也羅水又于訾城東北入于洛水

也

又東北過鞏縣東又北入于河

洛水又東明樂泉水注之水出南原下三泉竝導故

世謂之五道泉即古明溪泉也春秋昭公二十二年

師次于明溪者也洛水又東逕鞏縣故城南東周所

居也本周之畿內鞏伯國也春秋左傳所謂尹文父

涉于鞏卽于此也洛水又東濁水注之卽古黃水也

案黃近刻訛作滄

水出南原京相璠曰訾城北三里有黃亭

卽此亭也春秋所謂次于黃者也洛水又東北河水

發南溪石泉

案河近刻訛作洞下同

世亦名之爲石泉水也京

相璠曰鞏東地名坎欲在河水東疑卽此水也又逕

盤谷塢東世又名之曰盤谷水

案盤近刻訛作鹽

司馬彪郡

國志鞏有坎欲聚春秋僖公二十四年王出及坎欲

服虔亦以爲鞏東邑名也今考厥文若狀焉而不能

精辨耳晉太康地記晉書地道記竝言在鞏西非也

其水又北入洛洛水又東北流入于河

案此九字原本及近刻竝

訛作經

山海經曰洛水成臯西入河是也謂之洛汭卽

什谷也故張儀說秦曰下兵三川塞什谷之口謂此

川也史記音義曰鞏縣有鄴谷水者也黃帝東巡河

過洛脩壇沈璧受龍圖于河龜書于洛赤文綠字

案綠

近刻訛作篆

堯帝又脩壇河洛擇良卽沈

案近刻脩訛作循卽作議榮

光出河休氣四塞白雲起迴風逝赤文綠色廣袤九

尺負理平上有列星之分七政之度

案七近刻訛作什

帝王

錄記興亡之數以授之堯

案近刻脫堯字

又東沈書于日稷

赤光起立龜負書背甲赤文成字遂禪于舜舜又習

堯禮案禮近刻作祀沈書子曰稷赤光起立龜負書至于稷

下榮光休至黃龍卷甲舒圖壇畔赤文綠錯以授舜

舜以禪禹殷湯東觀于洛習禮堯壇降璧三沈榮光

不起黃魚雙躍出濟于壇黑鳥以浴隨魚亦上化為

黑玉赤勒之書黑龜赤文之題也湯以伐桀故春秋

說題辭曰河以道坤出天苞洛以流川吐地符王者

沈禮焉竹書紀年曰洛伯用與河伯馮夷鬪蓋洛水

之神也昔夏太康失政為羿所逐其昆弟五人須于

洛汭作五子之歌于是地矣

伊水出南陽魯陽縣西蔓渠山案近刻脫魯陽二字

山海經曰蔓渠之山伊水出焉淮南子曰伊水出上

魏山地理志曰出熊耳山即麓大同陵巒互別耳伊

水自熊耳東北逕鸞川亭北蓋水出蓋山北流際其

城東而北入伊水世人謂伊水為鸞水蓋水為交水

故名斯川為鸞川也又東為淵潭潭渾若沸亦不測

其深淺也伊水又東北逕東亭城南又屈逕其亭東

東北流者也

東北過郭落山

陽水出陽山陽溪世人謂之太陽谷水亦取名焉東流入伊水伊水又東北鮮水入焉水出鮮山北流注于伊伊水又與蠻水合水出盧氏縣之蠻谷東流入于伊

又東北過陸渾縣南

山海經曰瀟瀟之水出于釐山南流注于伊水今水出陸渾縣之西南王母澗澗北山上有王母祠故世因以名溪東流注于伊水即瀟瀟之水也伊水歷崖

口山峽也翼崖深高壁立若闕崖上有塢伊水逕其下歷峽北流即古三塗山也杜預釋地曰山在縣南

闕駟十三州志云山在東南今是山在陸渾故城東南八十許里周書武王問太公曰吾將因有夏之居

南塗過于三塗北瞻望于有河案近刻脫此春秋昭

公四年司馬侯曰四嶽三塗陽城太室荆山中南九

州之險也服虔曰三塗大行轅轅嶠澗案近刻非南

望也京相璠著春秋土地名案近刻亦云山名也以

服氏之說案近刻作服氏之言云塗道也準周書南望之文或

言宜為輟輟大谷伊闕案近刻或訛作服谷訛作道皆為非也春

秋晉伐陸渾請有事于三塗知是山明矣有七谷水

注之水西出女几山之南七溪山案几宋本作机近刻訛作桃上

有西王母祠東南流注于伊水又北蚤谷水注之水

出女几山之東谷東逕故亭南東流入于伊水伊水

又東北逕伏流嶺東嶺上有崑崙祠民猶祈焉劉澄

之永初記稱陸渾縣西有伏流坂者也今山在縣南

崖口北三十里許西則非也北與溫泉水合水出新

城縣之狼臯山西南阜下案狼臯山西近刻作狼臯山之西西南流

會于伊水伊水又東北逕伏睹嶺左納焦澗水水西

出鹿髀山案髀近刻訛作髀東流逕孤山南案近刻脫逕字其山介

立豐上單秀孤峙故世謂之方山即劉中書澄之所

謂縣有孤山者也東歷伏睹嶺南東流注于伊伊水

又東北涓水注之水出陸渾西山即陸渾都也案陸渾下

近刻衍山字都訛作者尋郭文之故居訪胡昭之遺像世去不

停莫識所在其水有二源俱導而東注號略在陸渾

縣西九十里也司馬彪郡國志曰縣西號略地案近刻訛

池春秋所謂東盡號略者也北水東流合侯澗水水

出西北侯溪案水近涓東南流注于涓水涓水又東逕

陸渾縣故城北平王東遷辛有適伊川見有被髮而

祭于野者曰不及百年此其戎乎魯僖公二十二年

秦晉遷陸渾之戎于伊川案秦近刻說作春故縣氏之也涓

水東南流左合南水水出西山七谷亦謂之七谷水

阻澗東逝案阻近刻作祖歷其縣南又東南左會北水亂流

左合禪渚水案水近刻說作渚水上承陸渾縣東禪渚渚在

原上案在近刻說作左陂方十里佳饒魚葦卽山海經所謂

南望禪渚禹父之所化郭景純注云禪一音暖案一字近

刻說在禪字上鯀化羽淵而復在此然已變怪亦無往而不

化矣世謂此澤爲慎望陂陂水南流注于涓水案近刻說

作涓陽水下同涓水又東南注于伊水昔有莘氏女采桑于

伊川得嬰兒于空桑中言其母孕于伊水之濱夢神

告之曰白水出而東走毋明視而見白水出焉告其

鄰居而走顧望其邑咸爲水矣其母化爲空桑子在

其中矣莘女取而獻之命養于庖長而有賢德案長而近

刻說作而長殷以爲尹曰伊尹也

又東北過新城縣南

馬懷橋長水出新城西山東逕晉使持節征南將軍

宗均碑南案宗近刻訛作宋均字文平縣人也其碑太始三

年十二月立其水又東流入于伊又有明水出梁縣

西狼臯山案近刻作狼羣山俗謂之石澗水也西北流逕楊

亮壘南西北合康水水亦出狼臯山東北流逕范塢

北與明水合案近刻此下衍北汶二字又西南流入于伊山海經

曰放臯之山明水出焉南流注于伊水是也伊水又

與大戟水會水出梁縣西有二源北水出廣成澤西

南逕楊志塢北與南水合水源南出廣城澤西流逕

陸渾縣南案近刻訛作西流陸渾河南十二縣境簿曰案近刻脫境字

廣城澤在新城縣界黃阜西北流屈而東逕楊志塢

南案近刻脫志字又此屈逕其塢東又逕塢北同注老倒澗

俗謂之老倒澗水西流入于伊伊水又北逕新城東

與吳澗水會水出縣之西山東流南屈逕其縣故城

西又東轉逕其縣南故蠻子國也縣有鄭聚今名蠻

中是也漢惠帝四年置縣其水又東北流注于伊水

伊水又北逕當階城西案近刻訛作又逕西北當階城西大狂水入

焉水東出陽城縣之大磬山案近刻訛作大苦口山海經曰大

碧之山多瑋琤之玉其陽狂水出焉西南流其中多

三足龜人食之者無大疾可以已腫狂水又西逕綸

氏縣故城南竹書紀年曰楚吾得帥師及秦伐鄭圍

綸氏者也左與倚薄山水合水北出倚薄之山南逕

黃城西又南逕綸氏縣故城東案近刻脫縣字而南流注于

狂水狂水又西八風溪水注之水北出八風山南流

逕綸氏縣故城西案近刻脫縣故二字西南流入于狂水狂水

又西得三交水口水有三源案三近刻說作二各導一溪竝

出山南流合舍案此四字近刻說作南合流三字故世有三交之名

也石上菖蒲一寸九節為藥最妙服久化僊案近刻脫此十

六其水西南流注于狂水狂水又西逕岳高山北西

南與湮水合水出東北湮谷西南流逕武林亭東北

又屈逕其亭南其水又西南逕湮陽亭東蓋藉水以

名亭也又東南流入于狂狂水又西逕湮陽城南又

西逕當階城南而西流注于伊伊水又北土溝水出

玄塋山西案山西近刻訛作西山東逕玄塋山南又東逕新城

縣故城北東流注于伊水伊水又北板橋水入焉水

出西山東流入于伊水伊水又北會厭澗水水出西

山東流逕邠垂亭南春秋左傳文公十七年秋周甘
斃敗戎于邠垂者也服虔曰邠垂在高都南杜預釋

地曰河南新城縣北有邠垂亭司馬彪郡國志曰新

城有高都城今亭在城南七里遺基存焉案近刻京

相璠曰舊說言邠垂在高都南今上黨有高都縣余

謂京論疎遠未足以證無如虔說之指密矣案如虔近刻訛

作知其水又東注于伊水伊水又北逕高都城東徐

廣史記音義曰今河南新城縣有高都城竹書紀年

梁惠成王十七年東周與鄭高都利者也又來儒之

水案儒近刻作需出于半石之山西南流逕斌輪城北西歷

艾澗以其水西流案水字近刻訛在以其上又謂之小狂水也其

水又西南逕大石嶺南開山圖所謂大石山也山下

有大石嶺碑河南隱士通明以漢靈帝中平六年八

月戊辰于山堂立碑文字淺鄙殆不可尋魏文帝獵

于此山虎超乘輿孫禮拔劍投虎于是山山在洛陽

南而劉澄之言在洛東北非也山阿有魏明帝高平

陵王隱晉書曰惠帝使校尉陳總仲元詣洛陽山請

雨總盡除小祀惟存大石而祈之七日大雨卽是山

也來儒之水又西南逕赤眉城南又西至高都城東
西入伊水謂之曲水也

又東北過伊闕中

伊水逕前亭西左傳昭公二十二年

案近刻訛作三十二年

晉

箕遺樂徵右行詭濟師取前城者也

案詭近刻訛作晚

京相

璠曰今洛陽西南五十里伊闕外前亭矣服虔曰前

讀為泉周地也伊水又北入伊闕昔大禹疏以通水

兩山相對望之若闕伊水歷其間北流故謂之伊闕

矣春秋之闕塞也

案近刻作焉

昭公二十六年趙鞅使女

寬守闕塞是也陸機云洛有四闕斯其一焉東巖西
嶺竝鑄石開軒高薨架峰西側靈巖下泉流東注入
于伊水傳毅反都賦曰因龍門以暢化開伊闕以達
聰也闕左壁有石銘云黃初四年六月二十四日辛
巳大出水舉高四丈五尺齊此已下蓋記水之漲減
也

案減近刻訛作減

右壁又有石銘云

案右近刻訛作石

元康五年

案元康近刻訛作永康

河南府君循大禹之軌部督郵辛曜新

城令王琨部監作掾董猗李褒斬岸開石平通伊闕

石文尚存也

又東北至洛陽縣南北入于洛

伊水自闕東北流枝津右出焉

案近刻枝訛作之

東北引漑

東會合水同注公路澗入于洛今無水戰國策曰東

周欲為田西周不下水蘇子見西周君曰今不下水

所以富東周也民皆種他種欲貧之

案貧近刻訛作食

不如

下水以病之東周必復種稻種稻而復奪之是東周

受命于君矣

案近刻脫命字

西周遂下水卽是水之故渠也

伊水又東北枝渠左出焉水積成湖北流注于洛今

無水

案近刻訛作合伊水

伊水又東北至洛陽縣南逕園丘東

大魏郊天之所準漢故事建之後漢書郊祀志曰

案近

刻脫後字

建武二年初制郊兆于洛陽城南七里為園壇

八陛中又為重壇天地位其上皆南向其外壇上為

五帝位其外為壇重營皆紫以像紫宮按禮天子大

裘而冕祭皦天上帝于此今衮冕也壇壇無復紫矣

伊水又東北流注于洛水廣志曰鯢魚聲如小兒嘍

案近刻脫嘍字

有四足形如鯢鱧

案近刻脫鯢字

可以治牛出伊水

也司馬遷謂之人魚故其著史記曰始皇帝之葬也

以人魚膏為燭徐廣曰人魚似鮎而四足卽鯢魚也

瀘水出河南穀城縣北山

縣北有替亭

案替近刻說作替

瀘水出其北梓澤中梓澤地

名也澤北對原阜即裴氏墓塋所在碑闕存焉其水

歷澤東南流水西有一原其上平敞古替亭之處也

案替近刻說作替

即潘安仁西征賦所謂越街郵者也

東與千金渠合

周書曰我卜瀘水西謂斯水也東南流水西南有阜

仲理墓墓前有碑題云真人帛君之表仲理名護益

州巴郡人晉永寧二年十一月立瀘水又東南流注

于穀穀水自千金塢東注謂之千金渠也

又東過洛陽縣南又東過偃師縣又東入于洛

澗水出新安縣南白石山

山海經曰白石之山惠水出于其陽東南注于洛澗

水出于其陰北流注于穀世謂是山曰廣陽山水曰

赤岸水亦曰右子澗地理志曰澗水在新安縣東南

入洛

案近刻在作出南下衍東字

是為密矣東北流歷函谷東坂

東謂之八特坂

案後穀水注內摯仲治三輔決錄至我卜澗水東者是也原本及近刻並

訛在此下又其上引山海經之文截取山海經曰北流注于穀九字重出于此今訂正

東南入于洛

孔安國曰澗水出澠池山今新安縣西北有一水北

出澠池界東南流逕新安縣而東南流入于穀水安

國所言當斯水也然穀水出澠池下合澗水得其通

稱或亦指之為澗水也竝未之詳耳案近刻訛作詳之耳今孝

水東十里有水世謂之慈澗又謂之澗水按山海經

則少水也而非澗水蓋習俗之誤耳又按河南有離

山水謂之為澗水西北出離山東南流案此下近刻有注于

離山澗水也又東南流共十一字係上下文訛舛致衍歷邾山于穀城東而南

流注于穀舊與穀水亂流案此下近刻衍流同二字南入于洛今



穀水東入千金渠澗水與之俱東入洛矣或以是水

竝為周公之所相卜也呂忱曰今河南死水案穀水注云南

出為死穀北疑其是此水也案是下近刻衍即字然意所未詳

故竝書存之耳

水經注卷十五




2




7

1

水經注卷十五





2